

A RE BONENG MOLIMO

 Lulang fatše. Ke masoabi ha ke entse joalo, Moena Borders, empa ho ne ho hlahile taba ea tšohanyetso hantle kantle mane, a bolaoa ke mofetše, 'me ka tlameha feela ho ea e sebeletsa. Feelā . . . Ke u tseba u tla tšoarela seo. Ka hona, ho itoketse. Ke ne ke sa batle ho fihla morao ho nako. Ke ne ke eme nakoana feela, ho emela metsoalle e meng, eaba ke tšoarana le taba ena e sa tsoa kena, e le mpe, e le mpe haholo, ka tlameha ho e potlakela ruri.

² Ha ke tsebe feela mokhoa oa ho qala, thapama ena. Ke ne ke nahanne tseleng holimō mona, "Ebe nka reng ho e—e letšoelē la batho le kang lena?" Ebile kōpano ea tlhaku-khubelu ho 'na. 'Me ha ke rialo feela hobane ke le pel'a lōna. Ke e bua hobane e tsoa pelōng ea ka. 'Me ke batla e mong le e mong oa bareri bana a tsebe tsena e le tse ling tsa likōpano tsa ka tse khōlōhali tseo nkileng ka li tšoara. Ke hantle. Ka lebaka la tšebelisano ea lōna e khabane e hlahileng ka mahetla. Ke bone mehleng moo . . . E le ha ke etetsoe ke bongata, ketelo e khōlō, empa ha ke eso bone kōpano bophelong ba ka ea setsoalle se monate e fetang lipakeng tsa lōna baena. Molimo a le hlohonolofatse. Ke tšepa likereke tsa lōna li tla hola li ngatafale hofihlela qetello ea eona e sa fumanoe. Ke rapela Molimo ho le boloka bosebeletsing hofihlela A khutla. Bakeng sa lōna ena ke thapelo ea ka e shoetseng. 'Me nkile—nkile ka sebetsa le bareri ba fetang ka bongata, joaloka Afrika, India, ka tsela eo, re fumana mofo oa makholo a 'maloa. Empa ha ho eso fihle nako e kang, ka chebeho, ha ke hetla, ea pelō e le 'ngoe le khopolo e le 'ngoe. Ho hlile ho a babatseha. Ke ananela sena, baena. 'Me ruri, sohle seo nka le etsetsang sona, le hopole hoba ke moena oa lōna. Masiu a ke ke a fifala ho feta, pula e ke ke ea tšoloha ho feta tekano, le a bona, ke tla etsa sohle seo ke se khonang ho le thusa ho ntšeletsa Evangelī e khōlō ena kapa ho le etsetsa se seng. Molimo o be le lōna kamehla!

³ Hape ke batla ho bolela, ho moenanyana oa ka mona, Roy Borders, ke tsebile feela Moena Borders nako e khutšoane. Esale ke batlile ho fumana motho ho ntlhophisetsa likōpano. Moena Roy o bonahetse a otlide botsekeng feela. Ha se moreri. Ke rakhoebo. Ke sa tsoa mo lumella ho hlaphisa likōpano tse peli kapa tse tharō, ho bona seo a tlang ho se etsa feela, 'me sephetho ke sena: khopolo e le 'ngoe. 'Me ka tloaelo ha moreri a u hlaphisetsa likōpano, be, kamehla moreri o koetlile selo, 'me o tšoere thuto kapa—kapa ntho e itseng eo—eo a batlang ho e hlahisa. Ebe o kena sehlopheng sa bareri 'me a hlahise thuto, a nto—nto kena khathatsong. Le a bona? Ka hona, molemo ke ha monna e se moreri.

⁴ Ebile hape, ka ho kena, motho o mpotsitse, ho re, "Moena Branham, ana u mo-Jesus Only, ana u setho sa Jesus Only?"

- 5 Ka re, "Ehlile lekhale."
- 6 Le ho re, "Motho o itse ha u lumele ho bua ka maleme."
- 7 Ka re, "Ha ba ntsebe hantle, ke ho fela. Ruri, ke etsa joalo."
- 8 Joale, 'me Moena Borders ke khabane ea Mokreste ruri, o entse mosebetsi o motle. 'Me ke hlile ke leboha Moena Borders ho 'mema. O fetile mahlomola a mangata, mathata a mangata, empa o entse—o entse mosebetsi o motle. Molimo a hlohonolofatse Moena Borders, ke thapelo ea ka e tšepehileng.
- 9 Moena Wagner, ke a kholoa e le ho kang molulasetulo, ke a lumela. Ke kōpana le ééna kamehla, oa komiti. Mosebetsi o khabane, joalokaha a entse khetlo le leng, botle. O ile a 'memela lapeng, ho lula ka lapeng la hae. Ke ne ke hlile ke batla ho etsa joalo, ke batla ke e utloa feela. Ka tlameha ho e hanela kaha ke hopotse mohlomong, ka setsoalle se khabane sena, nka rata ho etela le leng le leng la malapa a lōna, le a bona, ho rata ho bona e mong le e mong oa lōna. 'Me ke—ke hlomphile maikutlo a lōna, 'me ke tiile Moena Wagner o utloisisitse hore ho joang, le a bona. Hore ke . . . ha nka ea ha Moena Wagner, nka rata ho ea ha e mong le e mong oa lōna. Ha nka sitoa ho etsa sena, Moena Wagner, tsatsi le leng mose oane, mose oane feela, ke batla sekete sa lilemo, kathoko, le e mong le e mong oa lōna. Re tla kena monyakeng o moholo Koana!
- 10 Moena Toy, ruri ééna, o mpa feela . . . ha ke bone kamoo a etsang lintho tse ngata hakana hang, empa ruri o khona ho etsa lintho tse ngata. Ke 'mone tsatsi le leng borakefeseng ba Business Men, kamoo a nkileng kabelo ea moreri, motikone, janitara, le ntho efe e tlang, 'me a ntse a leka ho etsa tsohle. O rata Morena. Ke fuoe monyetla oa ho kōpana le mohatsa'e, le ho bona moralí oa hae ea ratehang le monna oa hae ba bina. E ne e hlile e susumetsa. Ka mpa ka re ho ééna, metsotsong e 'maloa e fetileng, "Ha ba tlameha ho lula lapeng, ba etsa mosebetsi oa tloaelo. Ba tšoanelo ho tsoela kantle masimong a evangeli ng'a e 'ngoe, ka lineo tse khōlō joalo."
- 11 Le a bona, e mong le e mong o tšoere selo, ke tšepa ke sa siea mang kantle. Leleiti le letsa piano, libini, lik'hoaere, le sohle se bileng teng, ke hlile ke e ananelo ka pelō ea ka eohle.
- 12 'Me bashanyana mona, Gene le Leo, ba lakalitse ho le hhalosetsa maikutlo a bona, hape, ka ho reka liteipi le libuka, le kabelo eo ba lōkelang ho e phethisa. Ke kōpane le bona monyako feela, nakoana e fetileng feela, ke ba boleletse ke tla hhalosa maikutlo a bona ho lōna batho. Ba hlile ba ananelo sohle seo le se entseng ho ba thusa le ho thusa motsamao o moholo oa Molimo.
- 13 'Me joale ho tsoa ho 'na, mora oa ka, mohatsa' ka, le ngoetsi ea ka, le bohle. Bongata, esale motho a re, "Khaitseli Branham ke mang?" Ke ngoanana ea lihlong ka ho fetisa eo nkileng ka 'mona bophelong ba ka bohle. Oh, khili!

¹⁴ Moena Art Wilson, ke kholoa bohole le mo tseba. Ke kholoa e ne e le moena . . . Che, e ne e le Moena Jewel Rose, bosiu bo bong, ea itseng, “Be re tla re Khaitseli Branham a tle kalaneng,” a batla a hlaseloa ke pelō. O mpa feela . . . O hlile o lihlong.

¹⁵ Ratu, haeba u sa tl’o akheha, na u ka ema motsotso feela, motho a bone ngoanana ea imametseng eo ke mo nyetseng. Ke hantle. [Phutheho e opa liatla—Mohl.] Ngoetsi ea ka, mohatsa Billy, Loyce, na u ka ema, Khaitseli, nakoana feela. Ke mohatsa Billy eo, [Phutheho e opa liatla] le ngoetsi ea ka.

¹⁶ Bongata ba lōna le utloetse ka Joseph. Ha le joalo? Batho ba Afrika ba sa tsoa mo romella kojoana e mebala e ‘maloa. Ke ‘mone lilemo tse tšeletseng pele a fihla, mohla ngaka e itseng re tla fumana lesea le leng, re ke ke ra khona. Bana ba rōna ba tlameha ho hlaha ka sesareane. ‘Mé oa ka, bahabo mohatsa ka ba joalo, bao, masea a bona bohole ba hlaha ka sesareane. ‘Me Morena a mpolella ke tla fumana lesea lena, athe ngaka e boletseng e ke ke ea etsoa, ho itsoe e ke ke ea etsoa. Ka re, “Ho tla ba joalo, le hona.” ‘Me ra ema lilemo tse ‘ne, ka morao ho pono e boletseng ke tla fumana moshanyana, ‘me ke tlameha “ho mo rea ‘Joseph.”’

¹⁷ ‘Me, ka morao ho moo, ha hlaha ngoanana e mong. E mong le e mong a ntšeha, ho re, “U ne u bolela ‘Josephine.’”

¹⁸ Ka re, “Che. Ke ne ke bolela ‘Joseph,’ e le moshanyana.” Koana a ka tlatsa malulo a ka mohla ke tlohileng, ha Jesu a ka lieha. ‘Me ha feta lilemo tse ling tse ‘ne; eaba ngaka e khotšoe hoba e mong a ke ke a fihla; ha feta lilemo tse ‘ne hape, Joseph a fihla.

¹⁹ Ke a ipotsa, mommi, u ka mo phahamisa motsotso feela. Ke batla ba bone seo . . . Moshanyana enoa moea oa boporofeta o se o lutse holim’ a hae. ‘Me o . . . Ema nakoana feela, Joseph. Ke eo. Ke hantle. [Phutheho e opa liatla—Mohl.] O tšoana le ‘mé oa hae, o lihlong.

²⁰ Ke tla u bolella se etsahetseng. Re ne re tsamaile . . . Hona joale o lilemo li ‘ne. Empa mohla a neng a le a le lilemo li le tharō, re ne re tsamaile. ‘Me o itse, “Dedi?”

‘Me ka re, “E, ratu.”

²¹ A re, “David . . .” Ke moshanyana ea neng a holofetse, ‘me a folisoa, mora oa Mongh. Wood e leng moahisane. Ho re, “Ke ne ke . . . ‘mone a hlaheloa ke kotsi ka sethuthuthu.” Ha a na le sethuthuthu. “Me a lemala moomo, liaparo tsa hae tsa taboha lehlakoreng le letona.”

Ka re, “E ne e le hokae, ratu?”

²² Ho re, “Tlase tseleng moo re lulang.” ‘Me matsatsi a mararō hamorao, moshanyana a tsoa Kentucky, a palame sethuthuthu, ‘me David ha a theoha ka tsela a lemala lehlakore la hae le letona le liaparo tsa hae tsa taboha, joalokaha Joseph a e bone.

²³ Mohla ke ne ke mo khethela Morena, hoseng, masea a mangata a ne a eme mono, ba eme le bommé aletareng. Eitseha ke phahamisa Joseph liphakeng tsa ka, ke sa nahana seo ke se buang, ka re, "Joseph, mora oa ka, u moporofeta." Ke thapelo ea ka eo, le hona, 'me ke lumela ho tla ba joalo, ebe, hore, Molimo o tla nka sohle seo O kileng oa mpha sona, le ho se menahanya makhetlo, le ho se bea holim'a moshanyana eo, etlere ha ke falla a tlatse malulo a ka.

²⁴ Billy ebile mokhotsi oa ka. Ke mo holisitse; 'm'aé o hlokahetse a le likhoeli tse leshome le metso e robeli; 'me ke bile ntate le 'mé, 'moho, ho ééna. Empa ekare ha a biletsoa ho ba moreri. O lihlong, o saletse morao, le joalo, haholo joaloka 'mé oa hae, lihlong. Empa e bile thuso e khólō ho 'na kópanong, hobane ke ile ka mo tsepa, ho mo ntsetsa koo le ho mo fa mosebetsi oa boikarabelo. Le a bona, mosebetsi oo oa setlankana-sa-thapelo ke mosebetsi oa boikarabelo. Motha a ka tshoara seo 'me a re... Monna o buile khetlo le leng, "Ke tla u nehela didolara tse makholo a mahlano ho beha mohatsa kalaneng." Le ka re'ng ha e ka etsahala? Ebe Moea o Halalelang o ka etsa'ng? Billy o tseba hantle haholo ho se leke ntho e joalo le ka mohla. O tseba ke tla fumana kapele ha a fihla kalaneng, ka hona, Morena a ka e senola. Lebaka leo a—a ke keng a etsa hoo le ka mohla, ka hona re le leboha kaofela ha lóna.

²⁵ Hape ho mok'hastodiane, khabane e re thusang holimō khorong mane, 'me ke a kholoa e batla e le mok'hastodiane mona, kapa ho hong, kapa molebeli khorong. Le ho batho bohole ba re lumeletseng ho fumana odotoriamo e ntle ena, nke ke ka re "liteboho" ka ho lekana. Ke hlile ke a e ananelia, le bohole ba keneng ka mokhoa ofe, le ka sohle se entsoeng.

²⁶ Joale ba mpoleletse, Moena Borders, nakoana e fetileng, ba mphuthetse monehelo. Ke hlile ke ananelia hoo, le ka pelō ea ka eohle. Ke tla o sebelisetsa, ho latela tsebo ea ka e khabane, 'Musong oa Molimo. Joale, ho molemo ha se hoo re ho bolokang mona, ke hoo re ho romelang. 'Me ke tiile Molimo o tla e balla molato oa hao 'Musong o tlang ho tla.

²⁷ Joale, ha ke na lenanelo la radio. Ha ke rekise letho. Empa ha u ka hloka e 'ngoe ea disakatuku tsena kapa ntho efe e rapelloang, 'ngolle Jeffersonville, Indiana, Post Office Box 325. E tla sebelitsoa, ka sebele, ebe u boela o e romelloa. 'Me ke lumela bosebeletsi boo. 'Me ha u ka batla ho ntetsa le ka mohla, BUTler 2-1519 ntšoare Jeffersonville, Indiana. [Nomoro ea mohala e fetotsoe.—Mohl.] Ka hona, kapa ha u sa hopole seo, u ka mpatla Jeffersonville, ba tla letsia. Joale, ha ke etse joalo ho fumana aterese ea hao, hobane ho thata ho fumana motho ea nkarabelang mangolo, le joalo. 'Me joale ha ke hakaalo... Ho itoketse, ke lumela mananeo ana. Ntho efe le efe e tlang ho thusa Molimo, e be joalo.

²⁸ Empa, le a tseba, ke ikutloa tjena, hore setho sa kereke, tšoanelo ea pele ea bona, ke ka karolo ea bona ea leshome le monehelo, ke ho tšehtesa kereke ea bona. Haeba u le setho sa likereke tse khabane tsena tse emetsoeng mona, u tšehtesa kereke ea heno. Ke tšoanelo ea hao ea pele ho Molimo. "Tlisang karolo ea lona ea leshome le menehelo molikong." 'Me moliko, le hlile le a tseba ke eng, ke moo u tholang lijo tsa hao teng. Ka hona, ke hona moo u fumanang lijo tsa hao tsa moea, 'me tlameho ea hao ke ho kereke ea heno 'me e seng ho moevangeli joaloka 'na.

²⁹ O phuthoa kae likōpanong ha re tšoere matšolo tjena, moo u beellang lethoana kathoko ho thusa ho e tšehtesa, o tšehtesa le 'na. 'Me ke le leboha haholo. 'Me nako efe, masela a rapelloang kapa ntho e kang eo, ha li lefelloe. Ha ho letho ho eona ho hang, ha re . . .

³⁰ 'Me libuka tsa rōna, le tse joalo, ha re li rekisa, li a . . . Re tšoanelo ho li reka, lisente tse mashome a mane katlasa seo re se fumanang ka tsona, 'me hape re . . . hoo, mono, le li fihlela li senyeha haholo, 'me kathoko ho moo u lefisoa ho li thota, u ntano tlameha ho li ntša mona le ho ea li rekisa. Khele, u ke ke oa khona, u ka sitoa ho li buseltsa leha u tlamehile, le a bona. Re mpa re etsa hoo ho fihlisa Molaetsa ho lōna, ho leka ho le thusa, ka bolōna; le ho bolella motho e mong, ho ba abela tsona. Lintho tsena li etsetsoa morero oo, ha li joalo? Bokomonisi bo aba libuka tsa bona le lingoloa, ha li lefisoe, hobane ke moifo o moholo. 'Na ke motho a le mong feels. Ekare nka khona, hojane ke tšoere chelete ho re feels "libuka tsohle le ntho eohle, ha li lefisoe," nka etsa joalo. Empa nka sitoa, ke tlameha ho fumana seo nka khutlang ka sona ho boela ke tlapisa tse ling, kapa—kapa ho reka tse ling.

³¹ Morena a le hlohonolofatse. 'Me bohole le la nthapella, le ke ke na? 'Me ha ke le mose mo maoatle, le linqalang tse lefifi tseo moo lingaka tsa boloi li emeng letsohong ka leng, ho u qholotsa holima sohle seo u se buang, ehlide linako li boima, ho foka lebatama la meea ea hloriso, na nka u ngola lenaneng, kapa oa 'ngola lenaneng la hao, 'me ke tla hopola ha ke tšoanelo ho tobana le qholotso eo ea lingaka tsa boloi le boliabolosi, le lintho kantle mane tšimong, nka rialo, "San Jose e ntse e nthapella"? Na le tla e etsa, na le tla etsa joalo? Phahamisa letsoho la hao haeba u tla etsa, ho re, "Ke tla be ke u rapella." Ke a leboha. Ke a leboha, baena besō. Ke a leboha. Ke kena har'a lōna, ho ba moena oa lōna, le ho tlisa . . . ho thusa ho tlisa khotso le Kreste, sohle se leng molemo ho lōna. Le nthapelle. Haeba ke tlotse e mong, le ntšoarele, ha ke a ikemisetsa joalo. Empa "liteboho" tse khōlō li tsoa pelōng, 'me mahlohonolo a Molimo a be le e mong le e mong oa lōna.

³² Re tšoanelo ho ea lapeng joale, hang-hang. Ke na le kōpano ea matsatsi a ka bang mararō mono kerekaneng ea ka, ke ntse ke ba ruta kolobetso ea Moea o Halalelang, ho bua ka maleme,

lipontšo le meeka tse tlamehang ho sala balumeli morao, le joalo; batho ba tikolohong, ka mono.

³³ Ke lumela lineo tsohle tsa moea. Ke lumela Bibele eohle. Ke Mopentekosta ho qala hlorō ea hlooho ho isa bohatong ba maoto, kahare, kantle, ka mathoko, ho pholletsa. Ke Mopentekosta! E, monghali! Ba re, "U 'Mobaptise,' u boletse." Ke Mopentekosta Mobaptise. Ke Mobaptise ea nkileng Lehlohonolo la Pentekosta. Ka hona ke... Ke rata Morena Jesu.

³⁴ 'Me ke ne ke rera... Ho kōpana le metsoalle e tsoang Arkansas, kantle, re ntse re qoqa ka Arkansas. Le koana Little Rock, bosiu bo bong mohla... Moena oa khale oa Monazarene a ne a ikokotlela ka melangoana, o rekisitse lipotloloto seterateng, ka lilemo. 'Me ke enoa kantle seterateng, letsatsi le hlahlamang, ka melangoana ena ea khale, a ea holimō-le-tlase seterateng, a rorisa Molimo feela. Bosiu boo o ne a... Odotoriamo ea Robinson Memorial, lōna batho ba tsoang ho la Little Rock le tseba moo e leng teng. 'Me—'me a phahamisa letsoho la hae, le ho re, "Motsotsa feela, Moena Branham, ke batla ho u botsa taba."

Ka re, "E, monghali, ke efe?"

³⁵ 'Me a re, "U a tseba, mohla ke u utloang u rera, keha ke tiile hoba u Monazarene." Hoba, e le seo a neng a le sona. A re, "Keha ke tiile hoba u Monazarene, hoba u rera joaloka Nazarene." Le ho re, "Ka ntao u utloa u re u setho, mehleng eo, sa kereke ea Baptise." Le ho re, "Phutheho eohle ea hao, bonnyane, ke Pentekosta." Ho re, "Ha ke e tšoare."

³⁶ Ka re, "Be, e bonolo. Ke Mopentekosta Nazarene Baptise." Ke seo e leng sona. Ntho eohle ke ena: re bang, ho Kreste Jesu, ho tlangoa ka litlamo tsa lerato la Hae.

³⁷ Ha re rape leng joale pele re phetla Lentsoe, ha re batle ho le liehisa halelele joale le tla siuoā ke nako ea tshebeletso ea kereke ea lona bosiu bona. Empa ha re kōpeng Molimo joale ho kena ho re hlohonolofatsa, ka moeno, ka ho khaphatseha. Ba nang le kōpo ba bakae joale, phahamisang matsoho le re, "Morena Molimo, U nkhopole feela, ke a—ke a hloka kajeno"? Molimo a be le lōna.

³⁸ Ntate oa Leholimō, hang hape re sa atamela Boteng ba Hao bo Halalelang, re utl-... che, 'me, feela ho ikutloa re tšoanela ho rola lieta tsa rōna, empa re ntša pelō tsa rōna re e beha feela pel'a Hao, Ntate. Re U leboha ka sohle seo U se entseng letšolong le leholo lena. Re a eelloa, Morena, boholo ha bo boelele lipalo tse khōlō. Boholo ke Boteng ba Hao. Hoba, ho ngoliloe ka ho fihla ha Messia, ha thoe "linqalo tse liphahameng tsohle li tla kokobetsoa, le linqalo tse tlase li phahamisoe; mahlaku a tla opa liatla, le lithaba li thale joaloka liphelu tse ncha." 'Me motho a ka nahana mohopolong oa hlalefo ea hae, seo nako e khōlō eo e tlang ho ba sona, makoloi a mollo a tla theoha Leholimōng, ho tlisa Messia. Empa e hlahile joang? Ho mereri oa khale ea

khohlahetseng, a tsoa nahathote ea Judaea, a sa apara joaloka moreri; a ikhahlile ka letlaloana, e le—e le lesela; a le mohoete hohle, sefahleho sohle sa hae se le makhisa; a ntse a rera, e seng kerekeng, empa mabopong a Jordane, a hooa, “Bakang, hobane ‘Muso oa Leholimō o haufi!” Tlase mabapa le mabopo a seretse, ha hlaha mehlala ea maoto a ’Metli oa Mogalelea, ea keneng metsing, ’me Molimo oa e tlotla hakaale le ho e khompha O bile oa phetla Maholimō ’me ba bone Moea o Halalelang o theoha e ka leeba o lula holim’ a Hae. E ne e le khōlō. Seo motho a se bitsang “khōlō,” ka linako tse ling ke bothoto mahlong a Hao, Morena. Empa seo motho a se bitsang “bothoto,” se seholo mahlong a Hao.

³⁹ Joale re thabetse ntho e khōlō e hlahileng San Jose. Mona ho lutse bareri ba lutse mona, ba bang ke litho tsa Assemblies of God, ba bang ke litho tsa Church of God, Independent, le United Pentecostals, le tse fapaneng tsohle tsa mefuta. ’Me ke ’na enoa ke eme lipakeng tsa bona, ha ke setho sa mokhatlo ofe, empa ho leka ho ema sekheong, ho buella bohle. ’Me re bang, ka ho Uena; pelō e ’ngoe, khopolō e ’ngoe, tulo e ’ngoe. Ke nako e kakang ho Moea o Halalelang nchafatsa ntho! Aba sena, Morena. Eba le rōna, Morena. Hlohonolofatsa mokha o mong le o mong oa bolumeli bo emetsoeng mona. Aba sena, Ntate. Bareri bana bohle ba khabane, likereke tsa bona li ate li atlehe, Morena. Bakuli ba folisoe, lifofu li bone, litholo li utloe, baetsalibe ba pholosoe ’me ba tlatsoe ka Moea o Halalelang. Ho tsohe tsoseletso naha ena ka bophara, e tlāng ho sisinya Lebopo la Bophirima lohle. Aba sena, Morena. Ho floejoe cheseho e kaale har’ a baena besō, hofihlela ba ke ke ba phomola; e mong o tla hotetsa e mong, ’me kereke ka ’ngoe e tla tsoa e le ngata e le ’ngoe e khōlō, ho kenela setsoalle le e ’ngoe, ho ngoatha bohobe ho tloha tlung ho ea tlung, ka bonngoe ba pelō. Aba sena, Morena. Romela tsoseletso eo re e shebeletseng.

⁴⁰ Hlohonolofatsa phutheho, ba sa emetse pholiso ea bona thapama ena, le ba bangata bakeng sa pholoso ea bona. ’Me nthuse, oho Molimo, ke sa bala Mantsoeng a Hao a khethehileng. Moea o Halalelang o nke tseo e leng tsa Hao, Morena, ho se tlisetsha lipelō tsa rōna. ’Me u ntano ntšebelisa, Moena, ho aba kabelo e khathollang ea Lentsoe la Hao ho e mong le e mong le pelōng e ’ngoe le e ’ngoe e lapileng. Nkutloe, ke a rapela, Ntate, ka Lebitso la Jesu ke a e kōpa. Amen.

⁴¹ Motho o sa tsoa mpha noutu, le ho re, “Moena Baxter, ho tsoa Canada, o laelitse ho uena lerato la hae le litumeliso, ’me o mona California joale, o tsoere kōpano Concord.” Molimo a hlohonolofatse Moena Baxter oa rōna. George Patterson, na u teng mona? George Patterson, na u teng ka kōpanong? Ha u le teng, laesa lerato la ka... Molimo a u hlohonolofatse, Moena Patterson; laetsa lerato la ka ho Moena Baxter, monna ea khabane. ’Me mang oa lōna ea leng mono, a batla ho utloa

thero ea monna ea tsebang ho e rera, e-eang le mo utloe, ha u le teng mono; ruri ke moreri ea babatsehang. Re bile 'moho lilemo tse ngata, ngata. Lerato la ka nqa Moena Baxter ha le eso fele; le ke ke la hlola. O theile kereke e khōlō Canada. Ha a ka a hlola a tsamaea le 'na, ka lebaka la kereke ea hae e 'matlang.

⁴² Ke tseba seo e leng sona. Esita le Tabernakele ea ka kajeno, etsoe motheo oa ka... Joale, batho ba sa romeleng liabo motheong ona, ba tšoere nomoro eo ba e romelloang ke goromente, e u leballang lekhetho la sohle seo u se romellang motheo ona. Ke e—e motheo o sa uneng porofete, o itsoang Branham Tabernacle. 'Me ke a tseba, mono, literaseti tseo li nkhatella ka matla, "Tloo re hahe tabernakele e khōlō, u lule mona 'me batho ba tle ho uena." E utloahala hantle, empa ho 'na ha se thato ea Molimo. Batho ba teng ba haelloa ke chelete ho tla ho 'na, ke tlameha ho ea ho bona. Le a bona? Ka hona ke—ke a tseba ho joang ha u behoa tlas'a khatello.

⁴³ 'Me e kile ea behoa holim'a Moena Baxter, a tlameha ho tlohela letšolo ho ea kerekeng ea hae. Morena a hlohonolofatse Moena Baxter oa rōna. Laetsang lerato la ka le litakaletso ho eéna, ka seqo, bakeng sa ka, ka köpo, moena.

⁴⁴ Joale ha re phetleng Lengolo, la thero ea metsotso e mashome a mabeli, Lentsoeng le itseng, etsoe, Le ke ke la hloleha le ka mohla. 'Me batho bohle ba leng teng mona, ba kulang, ba hlokang letho, le ke le itšohlometse Lentsoeng hantle. Hoba thapama ena ke ne ke tlil'o rera ka *Ha Ntsu E Oka-ōkela Sehlaha Sa Eona*, empa, ke a fumana, bashanyana ba e tšoere mona 'me ba e rekisitse har'a batho, ka sebopinho sa buka. 'Me hape, erekaha ke batla ke tlabohile 'metso, ke nkile theror e 'ngoe. 'Me joale ke hopola ke hhalositse sohle seo ke tlamehang ho se hhalosa. Ke hantle. Ha re phetleng ho Johanne, St. Johanne, khaolo ea 14, palong ea Lengolo la rōna. Le mamele ka hloko ha re bala litemana tsa pele tse robeli tsa Johanne 14.

Lipelō tsa lōna li se ferekane: lumelang ho Molimo, le ho 'na le lumele.

Meaho e mengata ka tlung ea Ntate: hojane ha ho joalo, nka be ke le boleletse. Ke ea mme ho le lōkisetsa bolulo.

'Me etlare ha ke se ke ile ke le lōkiselitse bolulo, ke tla boela ke boe, ke le nkele ho 'na; hore moo 'na ke leng teng, le lōna le be teng.

...moo ke eang teng lea tseba, le tsela lea e tseba.

Thomase a re ho eéna, Morena, ha re tsebe mono u eang teng; tsela re ka e tseba joang na?

Jesu o itse ho eéna, Ke 'na tsela, le 'nete, le bophelo: ha ho motho ea ka tlang ho Ntate, haese ka 'na.

Hoja lea ntseba, lea ka be le tseba le Ntate: 'me ho tloha joale le a ntseba, le bile le mpone.

Filipi a re ho eéna, Morena, re bontše Ntate, 'me etlaba ho re lekane; ka mantsoe a mang, re khotsofetse.

⁴⁵ Joale ke batla ho bua ka seo, thapama ena. Esale e le sello sa pelō ea motho, bakeng sa . . . ho tloha re le bana ba batho, re rata ho bona Molimo. 'Me ke batla ho qotsa mekhaoe e ka bang mene, thapama ena, ho le bontša Molimo. Pele ke batla ho qotsa Molimo ho bokahohle ba Oona, Molimo Lentsoeng la Oona, Molimo ho Mora oa Oona, Molimo bathong ba Oona. 'Me re ka e nka ka mekhaoe e meng e mengata. Empa ke rata ho bua ho tsoa ho lihlohoana tse 'ne tseo, re tla sheba litsela tse 'ne tse fapaneng, ho sheba haeba re ka bona Molimo. Joale, mona ha ho motho ea sa rateng ho Mo bona. Na le ke ke la rata ho bona Molimo? Nka rata ho Mo bona. Ka hona haeba E le Molimo, etsoe re Mo tseba e le oona, ebe hobaneng re sa O bone?

⁴⁶ Jobo o buile khetlo le leng, Buka ea khaleng ka ho fetisa Bibeleng, o buile ntho e kang ena, "Holane ka tseba moo O ahileng, nka atamela ka kokota monyako oa Oona. 'Me nka rata ho qoqa le Oona." 'Me o kile a qoqa le Molimo. Molimo oa mo laela ho itlama letheka sa monna, kaha O tla bua le eéna. 'Me Oa theoha ka setsokotsane, oa qoqa le Jobo.

⁴⁷ E nkhopotsa e . . . haufi le moo re lulang. Re ahile holim'a Noka ea Ohio. 'Me teng moshanyana e mong a kena Sekolo sa Sontaha se itseng, Sekolo sa Sontaha sa Baptise, naheng ea hesō, 'me a hlile a chesella lintho. Ka tsatsi le leng a botsa 'mé oa hae, "Haeba Motho e moholo enoa ea bitsoang Molimo, eo re eang kerekeng ho mo rapela, haeba E le Motho e moholo hakaale, ke a ipotsa haeba u ntumella ho O bona? Nka rata ho Mo bona."

⁴⁸ "Oh," 'mé a rialo ho nccheme oa hae, a re, "be, nchanyana, u tšoanelia ho botsa mosuoe oa hao oa Sekolo sa Sontaha, 'mé ha a khone ho arabela."

⁴⁹ Eaba o bua le mosuoe oa hae Sekolong sa Sontaha, 'me a re, "Ha ke khone ho e arabela, le 'na, botsa moruti."

⁵⁰ Ka morao ho thero, ba botsa moruti. 'Me moruti a re, "Che, nchanyana." Ho re, "Ha ho motho ea ka bonang Molimo." Ho re, "Molimo o itšoanelia le moea feela, 'me u ke ke oa Mo bona." 'Me, ehlide, taba eo ha e a khotsofatsa mothoana eo.

⁵¹ 'Me e ne e le chomi ea motsofe tlase Nokeng ea Ohio. 'Me e le ralihlapi oa khale oa mokhalo oo, oa telu-putsoa, a batla a le mashome a supileng le metso e mehlano, lilemo tse mashome a supileng, batching, a itulela mokorong oa masenke. Nkile ka tšoasa lihlapi le eéna, ka bona, re ne re tloaetse ho potoloha lihlekehleke re tšoasa lihlapi, re cheha matlooa. Eaba thakana lena le hlotse le eéna tsatsi le leng, holimō nokeng. 'Me ha ba khutla, ha tsoha sekhhohola 'me ba tlameha ho potlakela lebopong, ho emisa mokoroana, hobane maqhubu a befa hakaale

a bile a roetse bosoeu, a ka kanamisa seketssoana. Hoba sekhola se fete, ba bitoha ka morao ho lifate, ba sututsa mokoroana ba o tlosa lebopong, ba tsoa molapong oa noka, e batla e le bophara ba maele oa Noka ea Ohio mono. Ho lepella le noka, ba sesisa, motsofe ralihlapi o ntse o soka masokoana.

⁵² E ne re ba sa potetse ka morao ho sefate, ralihlapi oa khale o ne a phetetse moshanyana pale (kamoo a mo botsitseng) lebaka leo a sa nyalang, 'me a sa hlokomeloe ke mang. 'Me a re, "Oh, nchanyana, o teng Ea nthokomelang. 'Me lebaka la ka ha ke sa nyala, mohatsa o Leholumōng, o nkemetse." 'Me a tsoelapele ka pale.

⁵³ 'Me eitseha a kenella molapo, ba leba bochabela ka mokoroana... kapa ba ea bophirima, ke rialo, ka mokoroana, 'me motsofe ralihlapi a shalimile... morao holimō nokeng nqa bophirima, e le thapama, 'me—'me letsatsi le se le likela. 'Me, hoba pula e fete, ha hlaha mookoli.

⁵⁴ 'Me, oh, ke hopola eo e le nako e ntle ka ho fetisisa! Hoba pula e hlatsoe lerole lōhle lifateng, 'me—'me li shebahala li le ntle, li le talana, ka mebala ea tsona ea mantlha. 'Me lipalesa tsohle li ntlaufetse li le ntle 'me atemosefere e theohile, e hlahisa monko oa rosa. Ke nako e ntle feela, ka morao ho pula.

⁵⁵ Ke kholoa e nkhopotsa, ka morao ho tsoselsetso, hoba Moea o Halalelang o kene 'me o hlatsoe lithole tsohle, 'me—'me o re nafetisitse hape ka pel'a Morena. Ho ema feela ka pel'a Boteng ba... joaloka 'na thapama ena, ho tola feela mona Boteng ba Morena Jesu. Moea o Halalelang o falatsa lipelaelo tsohle le litšabo le lintho ho rōna, 'me re ema 'moho, hoba e—e lefafatsane le tsoang Leholumōng le tlatse lisoule tsa rōna.

⁵⁶ Eareha motsofe ralihlapi a qala a qhoba mokoroana ho tsoelapele, mothoana eo a bona likeleli li qala li theoha sefahlehong sa ralihlapi oa khale. 'Me thaka leo la sokoloha ho bona seo a se shebileng, 'me keha mookoli o ralletse sebakeng. Eaba thakanyana leo le lutseng bobeng ba mokoro, le a tjantjella. O ne a itšetlehile ka moralo oa litšepe, eaba o a phahama, a mathela bobeng ba mokoro a itihela mafareng a ralihlapi oa khale. 'Me a re, "Ke batla ho u botsa seo 'mé le mosuoe oa ka oa Sekolo sa Sontaha, kapa moruti, ba sa nkarabang sona."

⁵⁷ 'Me ralihlapi a khaotsa ho soka, a re, "Ke hofe, oa thaka?"

⁵⁸ A re, "Ke u bone u shalimme mookoli oo." Ho re, "Ho thoe o behiloe holimō mono ke Molimo."

A re, "Ke 'nete, oa thaka."

A re, "Ha Molimo o féla o le moholo hakaale, na O ka bonoa ke motho?"

⁵⁹ 'Me ralihlapi oa khale a hamarela moshanyana sefubeng sa hae, 'me a re, "Mahlohonolo a be le uena, thaka ea me! E re ke

u bolelle taba. Sohle seo ke se boneng lilemo tsena tsohle tse mashome a mahlano tse fetileng ebile Molimo.”

⁶⁰ Molimo o no o le mongata hakaale kahare, hofihlela a O bone kantle. Joale, u tla bona Molimo joalo feela le ka mohla, ke ho O kenya kahare ho uena, ho O lumella ho sheba ka mahlo a hao, ’me O tla Itlaleha.

⁶¹ Ehlide, Molimo o ho bokahohle ba Oona. Ha ho mang ea kelello e pholileng a ka e nahanang . . . Ho theohela tlase mona Los Angeles, Mount Palomar, nqa e ’ngoe, le ho sheba seo, litšoantsö tseo ba li katlalitseng. Me nqalong e khōlō eo ea bolepi, ho fumoana lilemo tsa leseli tse limilione tse lekholo le mashome a mabeli, u ka li bona. E pshatle ka limaele, ’me u bone moo u tlang ho fella teng. Khele, u ka rala mela ea borobong oa e potisa motse ona, le joale u ka sitoa ho e qhaqholla ka limaele. Empa ka nqane ho moo esale makhotla a letsatsi le litsamaiso, koana ka nqane! ’Me ha motho a e sheba, u ka etsa ho le hong feela, ke ho phahamisa matsoho a hao le ’me, “Hakakang,” bina, “U Moholo hakakang! U Moholo hakakang!” E ’ngoe le e ’ngoe e chehiloe hamonate, hofihlela ba ka u bolella phifalo ea letsatsi le khoeli, lilemo tse mashome a mabeli pele e etsahala, ho fihla motsotsong. E chehiloe ke Molimo ka phetheho e kaale!

⁶² ’Me ha u ka elelloa tlhaho, kamoo Molimo o haolang mahareng a bokahohle ba Oona. Kamoo lefatše le batlang le qethohile hanyenyane, ho hahlisa moea o chesang le o batang ’moho, ho nesa pula e nosetsang lijalo tsa lōna. Kamoo Molimo o phelang ho bokahohle ba Oona! Na le lumela seo? Ehlide, O etsa hoo.

⁶³ Nakoana e fetileng ke qoqile le motho, ka temana ea Molimo. ’Me e le tlase, ho la Kentucky. ’Me o itse ho ’na . . . E ne e le mophehakhang oa bolumeli. ’Na le Mongh. Wood esale re tsoma lihlora, ra tloha ra kōpa ho tsoma setšeng sa hae. ’Me o itse, “Oh, tsoelapele,” a rialo.

⁶⁴ Moena Wood o itse, “Ke ’na le moruti oa ka—oa ka, re batla ho tsoma.”

⁶⁵ A re, “Wood, u re u nyehlile hoo u tlamehang ho hulanya moreri ka linako tsohle?”

⁶⁶ ’Me o itse, “Che, enoa ke moruti oa ka.” Ho re, “O rata ho tsoma.” ’Me ka re . . .

⁶⁷ Ke ne ke tsoile ho kampa liveke li ka ba peli, litelu li batla li leketlile bolelele ba halofo-inch; ’me—’me ke silafetse tšilafalo, ka ho robala fatše, ka mokhoa oa rōna oa ho hloma kampo. E le ha ke tsoile, ke phomotse. ’Me kamoo ke phomolang, hoba ke fumane Molimo tlahong. E ne e le Bibele ea ka ea pele, e ne e le Molimo tlahong ea Oona, ho bokahohle ba Oona.

⁶⁸ ’Me o itse, “Be,” a re “ke kholoa ho itōketse, ho ikamanya le bareri.” A re, “Empa, u a tseba, ke na le mohopolo oa lintho

tseo.” A re, “Ha ke lumele bolumeli ba mofuta ofe.” ’Me mono a lutse le monna e mong. Le—le ho tsoelapele, ho qoqa ka borapeli (ba entse joalo) nakoana. ’Me ka ikemela mono feela, ke ja apole eo ke e thonakileng fatše.

⁶⁹ ’Me eéna, monnamoholo enoa eo ho thoeng ke mophehakhang, a re, “Ke ipotsite khafetsa. Ke rata ho kōpana le moreri a le mong.” Le ho re, “Ke ea neng a le ka koana mona Acton, mohlang oo.” A re, “U a tseba, khaitseli ea khale ka nqane ho leralla mona; ha ke hopole lebitso la hae hona joale feela.” Ho re, “Monna eo ke ha a eme Liahelokampo tsa Methodise,” a tšehehitsoe ke kereke ea Methodise. Ho a makatsa, empa e etsahetse. Ke ne ke tšoere letšolo la pholiso.

⁷⁰ Joale, lóna Mamethodise le tlameha ho e lumela. John Wesley o e lumetse. Ruri, o e entse. Bahlabolli bohole ba pele ba lumetse pholiso ea Khalalelo.

⁷¹ “’Me,” a re, “eareha a eme kōpanong bosius boo, a bua le khaitseli ea holileng enoa ka mona. Eo ’na le mohatsa le monna oa hae, e le phetho seo re ka se etsang (mofetše o se o mo qetile, a tetsoe ke lingaka, liveke pele), le ho mo hloellisa paneng ea moalo hoseng hoo.” Ho re, “O ne a le maemong a makakang!” Le ho re, “Khaitseli ea hae ea etela kōpano. ’Me moreri enoa a bitsa lebitso la mosali enoa, a ’molella ho tla, ‘ho beha sakatuku ena holim’ a mosali ea tšoeroeng ke mofetše,’ khaitseli ea hae. ’Me a etsa joalo, bosiu boo. ’Me hoseng ho latelang, a ja hamo le mahe, ’me a pheha phae e halikiloeng ea borakefese, a e ja.” O itse, “Ke batla ho kōpana le moreri eo tsatsi le leng.” Ka mpa ka ema mono.

’Me ka re, “Na u ka tseba moreri eo?”

⁷² A re, “Che, ha ke mo tsebe.” ’Me Moena Wood a ncheba, a nqhoaea.

⁷³ ’Me ka re, “U re ho ’na ha u lumele Molimo o leng teng?”

A re, “Ha ke e lumele pele ke e bona.”

Ka re, “Lilemo tsa sefate seo sa apole li kae?”

“Oh,” a re, “ke se lemme mono lilemo tse ka bang mashome a mane tse fetileng.”

⁷⁴ Ka re, “Ke mathoasong a Loetse, ha re eso fumane serame kapa letho. Mpolelle, monghali, ke ntho efe e buang, ke Bohlale bofe bo buang le sefate seo le ho laela lero leo ho theohela metsong ho ipatela mariha? Tshela metsi holim’ a sekoqo sa patsi mme u bone se tla khona, kapa hloma nkho e tletseng holima sona, le ho sheba haeba le tla theoha le ipate mobung, ho balehela boso bo batang. Holane le sa etse joalo, boso bo batang bo ka bolaea sefate ka potlako. Empa Bohlale bo itseng bo mathisetsa lero mobung, ho tsoa sefateng, ho le boloka le futhumetse; ho tsoa mahlakung, a oetseng mobung, ho tsoa sefateng. Me sehla se latélang sa selemo, le pele maemo a leholimō a qala kokobela,

lerō ke lena le qala le khutla, le khutlisa bophelo bo bocha. Ntlhalosetse eona. Mpolelle e etsoa ke'ng."

A re, "Ha ke eso e nahane pele le ka mohla."

⁷⁵ Ka re, "Ke Molimo ho bokahohle ba Oona. Molimo o laola nako ea sohle ka tšoanelo hantle feela."

A re, "Lebitso u le mang?"

Ka re, "Ke Moena Branham."

⁷⁶ A re, "Ke monna eo, lebitso—lebitso la monna ea neng a le holimō mane."

Ka re, "Ke hantle."

⁷⁷ A re, "Ka matšoala ao ohle, ka maqhapha a mali a sehlora, ho uena?"

Ka re, "Ho sa ntse ho itšoanelia, 'na, ke motho eo."

A re, "U tsebile mosali eo joang?"

Ka re, "Ha ke a khona."

⁷⁸ "U tsebile joang hobane u tla phela?" Ho re, "O sa tsoa feta tlase mona tseleng, eéna le monna oa hae, nakoana e fetileng, ba ntse ba itsamaela."

Ka re, "Ke ne ke sa e tsebe."

Ho re, "Ana u mo folisitse?"

⁷⁹ Ka re, "Che, monghali. Molimo o e bontšitse, Molimo o mo folisitse, ke mohau oa Oona o hlollang!"

⁸⁰ A ntse a ejá apole, eaba o a loma. 'Me a sokolla hlooho, ho re, "U ka tsoelapele oa tsoma sehlora."

⁸¹ Ka qamaka, 'me likeleli li theoha marameng a hae. Ka mo kopela ka liphaka tsa ka, ka re, "Moena, u a Mo lumela, ha ke re?" A oma ka hlooho ea hae joalo, a retoloha a tsoela setšeng sa jarete. Oh, Molimo ho bokahohle ba Oona!

⁸² Nakoana e fetileng, mohanyetsi oa bolumeli o kile a haola sechaba, lilemo tse fetileng, tse mashome a mane, tse mashome a mahlano, tse mashome a tšeletseng tse fetilemg, ho sokolla batho. Oh, a le bohlajana ka masene a hae hofihlela bareri ba seoale, ha re bua ka bohlalefi, ba sitiloe ho mo hlanamisa. 'Me a hapela batho bohanyetsing ba bolumeli. Eaba o kula 'meleng khetlo le leng; a nyolohela Colorado, pel'a polasi moo nkileng ka ba sehoai ka sebetsa teng. 'Me teng a kene phomolong. Monna eo ke mo tsebang, le ntata'e, a ile a hlaola e—e a hlekta tsela, ho hloma liahelo tsa hae. 'Me tsatsi le leng ha a checha a etsoa, a ema. 'Me a sheba mafika, a re, "Ebe lōna le hlahile kae? Le fihlile joang mono?" Le meea ea qala ea foka. A re, "Na ebe esale ke fositse ka linako tsohle? Ha Molimo o féla o le teng, O ke o bue le 'na!"

⁸³ Mono, mohanyetsi eo oa bolumeli eo bareri kapa motho mang a sitiloeng—sitiloeng ho mo tšoasa kapa ho ema khahlano le eéna, ke rialo, ka mantsoe a bohlalefi ba hae, ba mpa ba mo tšaba.

Empa Bibebe e boletse, "Ha ba ka ikhutsetsa, mafika a tla akōfa a hlabe mokhosi." E teng tsela ea Molimo ho sebetsa lintho. Mafika a ile a hlaba mokhosi! Mono mangoleng a hae, ka sefahleho se kobotetseng fatše, a nehela moea oa hae oa bohanyetsi ba bolumeli ho Molimo, ea eba Mokreste ea mosa, ea ikokobelitseng. "Ha ba ka ikhutsetsa, tlhaho e tla hlaba mokhosi."

⁸⁴ 'Na, ke setsumi. Ke—ke rata ho tsoma, kahobane ke fumane Molimo teng, pele, merung. Khetlo la pele mohla ke neng ke batlile ho O sebeletsa, ke sa tsebe ho rapela. 'Me re sa kene kereke; batho ba hesō, pele, e le... 'na, e ne e le Katolike. Ba ne ba sa... Moirishi, ka tlhaho, 'mé le ntate, bobeli; kantle, ho ntatemoholo e ne e Maindia. 'Me eaba ba... Ke ne ke sa tsebe ho rapela. 'Me ke batla ho pholosoa, 'me, na le tseba seo ke se entseng pele? Ka lula fatše ka ngolla Molimo lengolo, le ho O bolella masoabi a ka ka lebaka la lintho tseo ke li entseng. 'Me ke tla tsoa ke kena merung, enereha ke feta tselaneng eo ke arubetsoa ke maikutlo a hlollang ha ke feta linqalang tsena, 'me ke tla le khokhotela sefateng etlereha O feta O le bale. Hobane, ke O tsebile o ahile tao-tao merung. Nkile ka bona ho etsahala lintho tse ngata; ka O tseba o nqa e 'ngoe. 'Me ka nahana, "Oona, erekaha O le thoko hakaale le sebe, O ahile kantle tulong e hloekileng, le moo batho ba leng sieo." O ne o ka khona... Nka O fumana mono betere ho feta linqalang tseo batho ba silafetseng. Ke ithutile, Bibebe ea ka ea pele ebole ho tsoa tlhahong.

⁸⁵ Kapa, ha u—u nka matata ana. A tsoa Boroa mona, 'me a tloha a falla, a nyolohela koana Canada, a haha lihlaha tsa ona holimō mono seretseng. 'Me alama mahe a 'ona, ho qhotsoe litsuanyana tsa matata. 'Me, hape, mono ke sehlgeng sa selemo. Selemong seo, a holisoa, lehlabula lohle a feptjoa. 'Me ha mariha a fihla, khetlo la pele ha moea o maruru o foka lithabeng, moo ho letseng lehloa, o foka o pholletsa naha e joang e matša, kapa mesikong ea maralla, 'me moeana o mapholi oo oa pele o foka mono, o le serame; kae-kae har'a seholophahali seo sa matata a letšeng lena, ho fumanoa moetapele e monyenyan, mokokoana. O tla mathela kantle mono mokhubung oa letša leo, a sunye molongoana oo sebakeng, a honothe hane kapa hahlano, letata ka leng letšeng le a mo atamela. O tla phahama mono. Ha a eso tlohe letšeng leo; o hlahetse mono sehlgeng seo. O tla phahama mono letšeng leo 'me a tobe ka kotloloho e ka etsoang Louisiana ka bokhoni ba hae, ho ea masimong ao a reisi; a sa tšoara tšupakhutlo ho hang. Ba e bitsa "tlholeho."

⁸⁶ Ke ipotsitse khafeta, eféla ha Molimo o abetse letata sebete se lekaneng, se bitsoang "tlholeho," ho le phemisa bothata, ebe O tlameha ho etsetsa kereke e tsoetoeng-labobeli eng, eona e tletseng Moea o Halalelang? Ebe O tlameha ho etsa'ng? Ha le a tšoara tšupakhutlo, empa le tsoetsoe e le moetapele! Matata a tseba moetapele oa oona, empa kereke che. Moea o Halalelang ke Moetapele oa rōna, Ke Moruti oa rōna, O tla re isa 'Neteng

eohle, ho kena Bophelong. Matata a tseba ba oona, empa ka linako tse ling ekare ha re na bohlale bo fetang ba letata. Hoba, o rata ho ikamahanya le seo a se neiloeng, empa rōna re leka ho nahana ntho e fapaneng. E leng hlalefo, u ntse u fapoha Molimo oa bokahohle bo boholo.

⁸⁷ Ke tla le bolella ho etsa ntho, lōna batho ba tsoang mafatšeng a batang. Le shebe ha motoetse oa khale oa kolobe a tloha nqa leboea ho fallela boroa ho leralla, a thota makhapetla ao 'ohle le liqo ho li fallisetsoa nqa boroa ho leralla, ho ikalla liphate. U ntano mamela litaba bosiu boo, 'me litaba li tla re, "Hosane, maemo a boso a matle," u se ke oa tsotella seo a se buang. Motsoetse eo oa khale oa kolobe o tseba maemo a boso ho feta seo a ka se tsebang le ka mohla. Ke hantle haholo. O ile ka nqa ea boroa moo ho tla beng ho futhumetse.

⁸⁸ Ha u tsoa u ea tsoma lipela tseo 'me u li bona li tsorame morao tlas'a sehlahlala, ka tsela *ena*, u shebelle boso bo batang! 'Me ha u li bona kantle tšimong ea poone, pula e a tla.

⁸⁹ Ak'o shebe Molimo feela, O nka khato, oh, Oona hase le ho babatseha! Ha u ka bula mahlo a hao feela, u nka O bona mathoko a hao. O ho bokahohle ba Oona, hohle, o a tsamaea. O shebe ha letsatsi le likela. O shebe ha letsatsi le chaba. O shebe ho mookoli. O shebe hoohle. U ka O bona, ha O hole le uena ho feta sephaka sa hao se setona. Molimo o ho bokahohle ba Oona.

⁹⁰ Lilemong tse fetileng, ha ke ntse ke tsoma eleke, holimō Colorado ke tsoma khafetsa e ngata. 'Me holimō lithabeng mono, e le mathoasong a mariha, 'me lehloa le sa lala ho lekanang ho ntša eleke morung o teteaneng, ho kena phuleng. Ka hona 'na le Jeff, mopolasi, re ne re... Ke mo thusitse polasing mono lilemo, ka ba ka ba thusa ho thiba makhomo. 'Me re ile ra kalla ra nyoloha, ho ea tsoma, ebe o arohane le nna matsatsi a mararō kapa a mane. Ho khutlela lekaleng la bophirimela la Troublesome River, 'na ke tsoma lekaleng la bochabela. 'Me ha re fumane eleke, re a li fanyeha, re tseba moo re isang lipere tse belesitseng moroalo, ebe re kalletse lipere tsa rōna tsa qhana feela.

⁹¹ 'Me tsatsi le le leng ha ke le holimō koana, ka siea pere ea ka ea qhana, ka potela ka lintši. 'Me e le mafellong a mariha, pele ho tla, ntho ea pele u a tseba, letsatsi le tla be le chabile, pula e ntoo na, ho ntoo apoha, e be khetheha lehloa. 'Me, ke boso bo foto-fetohang feela. 'Me ke ntse ke tsoma, holimō. Ho ne ho omeletse haholo, eaba ke utloa lehalima le phaila; ka sheba, ka nqane ho lithaba, pula e ne e tla. Ka hona, ka potela ka sefate feela 'me ka ema mono nakoana sefefo se be se fete. Meea ea foka e sothahana, e likoloha, ka ema ka morao ho lifate hofihlela se fetile. Hoba se fete...

⁹² Eaba ke eme mono, ke nahanne ka Molimo. Lilemo tse 'maloa tse fetileng, ke ne ke tšoere matšolo ana. 'Me ka nahana,

“Molimo o moholo hakakang, o babatseha hakakang!” Ka re, “Ke tšoanetse ke be ke tsoaletsoe nqalo ena, kantle merung, boinotšing ba ka, hole le batho le matšoele, le bakuli le ba mahlomoleng, le sohle, mehala e llang, le liamalanse tse fihlang.” Ka nahana, “Ke monate le khotso e kakang! Morena, e re ke lule mona. ’Me ke—ke tsoaletsoe sena, ena ke tlhaho ea ka, malulo a ka ke ana. Mona ke moo U lulang teng.” ’Me ka nahana, “Be, haeba ke sa e thole ho lena, ke tla e thola ho Sekete sa Lilemo, ka hona ke tla emela nako eo feela.”

⁹³ Hoba sefefo se fete, ka tsoa kamorao ho sefate. ’Me, motšeо koana lephakong la thaba, ka utloa poho ea eleke e qala e—e khonya. ’Me e bitsa mohlape ’ohle; li ile tsa hasana, mehleng ea sefefo. ’Me ea qala ea hlabela molekane oa eona mokhosi. Hape joalokaha Davida a boletse Mangolong, “Ha boliba bo arabelana le Boliba”! Eféla ha boliba bo le teng, bo bitsang, bo teng Boliba bo tlamehang ho bo arabela, tao-tao.

⁹⁴ Eaba tlhaho eo e qala e biloha ka ho ’na. “Leaho la ka ke lona lena. Oh, ke ’mino oo!” Motšeо ka mona, ha ngaea phiri ea khale e putsoa, ea arabeloa ke molekane oa eona, tlase botebong. Oh, banna! Ke hona ha boliba bo hlile bo arabelana le Boliba; ho utloa mohoo o hlaha oa phiri, mohoo oa phoofolo e hlaha ea mofuta, linonyana li a tjolietsa. Ho ’na, ke Molimo! Ke O utloa lipakeng libatana tsa Oona le liphoofolo tsa Oona.

⁹⁵ Moea o ntse o foka, ka tsoa-tsoa ke hetile motšeо mona moo e...ho foka, ho bata ho lekaneng ho hoamisa lifate tse meremetala. Eaba letsatsi le a chaba, nqa bophirima koana, ka nqa *ena*, mono ekare ho nyaretse leihlo, joaloka Molimo, ha letsatsi le likela. ’Me ka le bona le akhela mookoli o ngomelang khohlo. Ka qala ka nahana, “Ke Oo kahar’ a mookoli. Ke Oo koana, kahar’ a mohoo oa eleke. Ke Oo kahar’ a phiri, e ngaeang. Ke Oona kahar’ a lifate. Ke utloa lentsoe la Oona le nyenyetsang. Ke Oo kahar’ a mookoli.”

⁹⁶ Hoba, “O ne a tšoana le lejoe la Jaspere le Sardone, mookoli o le holim’ a hlooho ea Hae; Alfa, Omega, qalo le qetello; Ea neng a le Teng, Ea leng Teng, le Ea Tlang; Motso le Lehlomela la Davida.” Le ka mookoli, mebala e supileng, phetheho. Molimo o phetheha ka bosupa. ’Me e ne e le Oo hape kahar’ a mookoli, joaloka selekane.

⁹⁷ Hohle moo u shebang, u ka bona Molimo, ha u ka sheba tlhahong ea Oona feela. ’Me ea re ke sa tlatsitsoe...Ke tla le bolella taba, le tla tseba hobane ke—ke Mobaptise oa makoma. Ea re ke sa shebile seo, ka tlala Moea o Halalelang hakaale hofihlela ke tšetlehile sethunya ka sefate ka matha ke potoloha sefate ka lebelo la bokhoni ba ka, ke lahlela leoto le leng sebakeng, ke hooeelite ka lentsoe la ka lohle, ho hooeletsa, “Alleluia! Aleeluа! Alleluia! Alleluia,” ho likoloha, likoloha, likoloha, likoloha, ka batla ke oela fatše; ke ntoo ema ke rutlela

matsoho a ka holimō-le-tlase, le ho hooeletsa mono, “Thoriso! Thoriso! Thoriso! Thoriso! Thoriso! Alleluia! Alleluia! Alleluia,” ka lebelo la bokhoni ba ka. Ke sa nahana seo nka se buang. Pelō ea ka e khaphatseha feela.

⁹⁸ E ne e le eng? Boliba bo arabelana le Boliba! Ke utloile Molimo kantle koana kamoo uena mohlomong u ke keng oa O utloa. Empa, ho 'na, O ne o le ho bokahohle ba Oona, ho boela a arabela, “Ke 'na Molimo oa tlhaho. Ke entse lintho tsohle ka letsoho la Ka.”

⁹⁹ E, hola motho a kena morung, ba ka hopola lehlanya le kene morung. Ho likoloha, likoloha, likoloha, likoloha, likoloha sefate seo joalo, ke ithabetse monyakeng feela! Ke sa . . . mang, ke sa tsotelle haeba ba utloa, kapa che. Ke le bohole ba limaele tse mashome a mahlano, mashome a mararō, le hona, hole le motho mang, ho latéla tsebo ea ka. Empa ka likoloha sefate seo, ke hooelelitse.

¹⁰⁰ Hobaneng? Ke ne ke kene serapelong sa Molimo. Ke O bona hohle, letsatsi, mechaeli ea mahlaseli a phunyang meru, mookoli koana, phiri e ngaeang, eleke e llang. Ka O utloa kahar'a meeaa. Oh, banna, O hohle! Holimō koana, u bona lehloa le lutseng holim'a lithaba, le akhela seriti tlase moferong o motala. Oh, sheba hohle feela, u tla O bona. O ho bokahohle ba Oona. Le lumela seo? Ka ema mono nakoana.

¹⁰¹ 'Me ka morao ho nakoana ka utloa ntho e reng, “Chatter, chatter, chatter! Chatter, chatter, chatter!”

Ka nahana, “Ke'ng hoo?”

¹⁰² Ka sheba. Mono ke ha ho rapaletse e—e lifate tsa khale tse lihuoeng ke sekhhohola, e le sehlora sa khale sa phaene. Ha ke tsebe le a li tseba, kapa che. Ba tsebang sehlora sa phaene ba bakae? Ke nthoana e lerata le fetisang naheng. Sa qhomela holim'a sekoqo sa khale mono. Se itšoere eka hojane se tla . . . se tla nkhabela likotoana, feela, “Chat, chatter, chatter chatter!” Se tlolela holimō-le-tlase, se reketla hohle, ka lerata la bokhomi ba sona. Oh, se tla nkhabela likotoana.

¹⁰³ Be, ka nahana, “Nthoana ea batho, ha u a tlameha ho roaleha hakaalo. U ke ke oa etsa letho. 'Me 'na, na ke entse, eng, ke u tšositse na?” Ka nahana, “Be, ha e a tlameha ho u tšosa. Ke mpa ke rorisa Molimo o re entseng bobeli.” Le a bona? “Ha u hloke ho ferekana kahohle. Ke ne ke O rorisa, u se ferekane joalo. Be, ke ne ke rorisa Molimo, u tšoanelia ho tseba hantle ho feta ho ntlatsetsa lerata joalo. U se ke oa nkena hanong ke ntse ke rorisa joalo, hobane 'na ke nyakaletse. Ntese hle.” Le a bona?

¹⁰⁴ Ka bona thaka leo le thamolela hlohoana ea lona maphakong, le nyarela sehlahleng. Be, ka lemoha hoba ha le omanye 'na. Sehlahleng seo, mehleng ea sekholoa, ntsu e khōlō e pheuletsoe fatše. 'Me e tšoasehile mono, e pheuletsoe nthong

e oeleng eo. 'Me thakahali leo, le ne le raositse sehloranyana sa phaene kahohle. 'Me sa qhomela lekala.

¹⁰⁵ Ka nahana, "Joale, bea butle motsotso mona, ntho e teng nqa e 'ngoe. Hobane, ke ne ke rapela Molimo, ke likoloha le ho likoloha sefatse sena mona. 'Me ke O bona lielementeng tsena tsohle tsa Oona tse fapaneng, le tlhaho ena. Joale, hobaneng O ntšitsitse ho e fapanyetsa ka ntho e kang eo?" Joale, ntsu ea khale ke eo. Ke tsota ntsu. Empa ka e sheba, 'me ka nahana, "Be, ke eng. . . Na nka bona Molimo ka ho eona? Joale e ka ba eng?"

¹⁰⁶ Ka e sheba. Mahlohalo a eona, a boputsoa a shebile, ea ema mono holim'a lekala, e nchebile. Ea ntoo shebe sehlora sena, e boeile e nchebe; e ntano sheba sehlora, ho talima. Ka re, "Ke a kholoa u ntse u re lekola." Ka nahana, "U a tseba ke'ng? Nka u thunya, ha ke batla." 'Me ka e sheba. Le sethunya sa ka se tsetlehiloe sefateng. Ka re, "Na u a tseba nka u thunya ha ke batlile?" Ha e a tsotella letho, haese ho itulela mono feela.

¹⁰⁷ Ka nahana, "Oh, ke seo Molimo o batlang ke se shebe, 'Se tšabe.'" Ntsu eo e sebete, ha e tšabe letho. Ha e tšabe ho bolella mong'a eona hoba e folisitsoe ka pholiso ea Khalalelo. E ke ke ea mo hllopha. E—e matla. E ke ke ea tšaba ho paka haeba e amohetse Moea o Halalelang. Haeba E etsetslitsoe eona, ehlile e tla paka ka Eona; hoba e sebete, ha e hlabjoe ke lihlong tsa letho.

¹⁰⁸ "Be," ka nahana, "u sebete ke'ng hakaale? U etsoa sebete ke'ng?" Ka qala ka eelloa, hoba ha e phetse ho nonya mapheo ao. Le tseba kamoo li isang masiba a tsona morao le pele, le a tseba, ho nonya mapheo a tsona. Ka nahana, "Oh, ke a bona. Uh-huh. Molimo o u file mapheo a mabeli. 'Me u tseba hantle le ka ho hlaka hore u ka apara mapheohali a mabeli ao oa fihla lifateng tsane le pele ke finyella sethunya seo." Tšepo ea eona e tsetlehiloe ho se. . . Molimo o e file mapheo ao, e tseba seo mapheo ao a ka e etsetsang sona.

¹⁰⁹ Bana ba batho ba fapane hakakang! Molimo o re file Moea o Halalelang, koana ha re tsebe seo O ka re etsetsang sona. Ke hantle! Seo O ka se etsang, ha se a beeloa moeli. "Seo le se batlang, ha le rapela, le lumele hoba le se fuoe, 'me le tla se neoa." Ntsu eo e tsepile mapheo a eona a biloeng se-Molimo. Le a tseba hobaneng? Ha ke nahana, khafetsa, ntsu e ile ea a nonya matla. E tsebile seo e buang ka sona. Re tšoere Moea o Halalelang athe ha re eso O nonye matla. E hona moo hantle feela. Le a bona, holane ra lumella tlhaho ho sebetsa ho rōna joaloka phoofolo ha e etsa! Ehlile, e tseba seo e ka se tšoarang, le ho lesa eng.

¹¹⁰ Ka hona e—e tsebile bohole ba ka, hole le sethunya, e ka finyella moru oo ea 'nyamella, ebole e ntse e nonya mapheohali ao. 'Me ka e sheba, ka re, "Moshanyana oa khale, nke ke ka u thunya. Ke motlotlo haholo ka uena!" Ke rata ho bona ntho e likhoka ho eona, ntho e ka emang ha e tseba seo e se etsang. Na ha le rate ho bona seo?

¹¹¹ Lebaka leo ke ratang kereke ea Pentekosta. Ha e tsotelle seo lefatše le se buang, ho ba bitsa “bahalaleli bathethethehi,” eng le eng hape, ba ema tšetla ba hooeletsa ka ho tšoana, ho boka Morena, ho tsoelapele hantle. Ke rata seo. Ruri, e emele hantle. Ho sa tsoetelehe ke mang, ema mono ’me u pake, rorisa Molimo.

¹¹² Ka shebella ntsu ena ea khale e ntse e sasanka mono, le a tseba, nakoana. ‘Me ka tsoa tsoa ke eleletsoe, e ne e sa ncheba hakaalo, e ne e khathetse ke ho utloa sehlora seo se e rohaka, “Chatter, chatter, chatter! Chatter, chatter, chatter!” Ah, ea se shalima feela. ‘Me ka mora nakoana sa e tena hakaale, ka baka leo, ea etsa ho le hong feela ea tlola hakaalo feela *joalo*, ea otlanya masiba a eona habeli nka rialo, ke ha e le ka nqane ho moru oo. Ha e ka ea hlola e a otlanya hang hape, ea hloma lipheo tseo. ‘Me enereha moea o phahama, e phahame le ’ona. ‘Me ka ema mono ka e shebella. Nako le nako ha moea o pheula o kena, e nyolohela holingona; e sa sisinye le lesiba, haese ho nyolohela holimō, holimō, holimō, hofihlela e fetohile lethebana.

¹¹³ Ka ema mono, ’me likeleli tsa qala tsa rotha marameng a ka. Ka re, “Oho Molimo, ho monate ho lula mona. Ke rata ho lula mona. Ke Uena eo kahar’ a ntsu eo.”

¹¹⁴ Le a bona, ea tlola hang feela haholo, e ne e tšepile mapheo a eona. E sa phuphusele ho tloha kōpanong ho ea ho e ’ngoe, le ho tloha kerekeng ho ea ho e ’ngoe. Ea otlanya mapheo haholo hang feela, ea ntoo hloma mapheo a eona Matleng a Molimo, ho lumella Moea o Halalelang, ho e issa hole koana, joalo le joalo, le joalo le joalo. Ea sutha lefatšeng lena la khale la liapi, tse tsetetsoeng fatše; ha li na mapheo, ha li tsebe le ho fofa. “Chatter, chatter! Matsatsi a mehlolo a fetile. Ha ho ntho e kang Moea o Halalelang, e etselitsoe letsatsi le leng le fetileng.” Oh, ke ho hloma mapheo a hao feela ho Moea o Halalelang, ho lesa Moea o Halalelang ho u phahamisetsa holim’ a eona, ho ea joalo le joalo. E sa hhole e utloa api hape, sehlora sa fatše, kapa e bang le batla ho se bitsa eng. Ho khathatsoa hoo “chatter, chatter.” Oh, hola kereke, le leng la matsatsi ana, e ka khathatsoa ke hoo, ’me ea tseba ho hloma mapheo a bona; ’me ba tsamaea le Molimo, le ho ea Lapeng, ho tsoa ho eona. “Matsatsi a mehlolo a fetile”? Mpolelle neng. Le fihlide morao feela ho re bolella eona, ha ba etsa na? “Matsatsi a mehlolo a fetile. Ha ho ntho e kang Moea o Halalelang. Ho bua ka lipuo ke boipeho-tumelo feela,” ke phetho seo ba se tsebang ka eona. Ka hona, seo u ka se etsang feela ke ho hloma mapheo a hao.

¹¹⁵ Ha e a ka ea phuphusela, joale, ho tloha tulong ho ea tulong. “Ke tla ea koana ’me ke bone *sena*, ’me ke tla ea koana ’me ke bone *sane*.” E tsebile feela mokhoa oa ho hloma mapheo a eona. ‘Me ke phetho seo u tlamehang ho se tseba ho sebetsa ka Pholiso ea Khalalelo, mabapi le Moea o Halalelang, ke ho tseba ho hloma tumelo ea hao matleng le litsepisong tsa Molimo. A tla u jara hantle a u nyollele holimō. U nyoloha hantle feela. Nako

le nako ha u bulula o kena, re tla nyolohela holimō le holimō, le holimō le holimō; hofihlela u sa utloe ntho ena mona, “Chatter, chatter, chatter! Matsatsi a mehlolo a fetile. Mphi ea bahalaleli bathethehi.” Ha u sa tla e tsotella le hona. U tla ba ka nqane ho tsona hofihlela u le bohole boo u sa li utloeng. Soule ea hao e tla phahamisetsoa nqalong moo . . .

¹¹⁶ Oh, ehlide, Molimo ho bokahohle ba Oona. Le lumela seo, ha le etse? Oh, re ka minya lihora nthong e le 'ngoe eo feela. Re tlameha ho qhomela ho e 'ngoe. Le a lumela Molimo o ho bokahohle ba Oona? Joale, e latélang, Molimo Lentsoeng la Oona. Joale u ka qamaka bokahohle 'me u tla bona Molimo. Ruri, u tla khona. Joale Molimo ho bokahohle ba Oona.

¹¹⁷ Joale, Molimo Lentsoeng la Oona. Molimo o boloka Lentsoe la Oona. Ke sona se fetolang Bibebe 'nete. Re ka qholotsa mohanyetsi e mong le e mong oa bolumeli ka seo, mosalumele ofe, Mohammedane ofe, Mobuddha ofe, ngaka efe ea moloi, selauli sefe, ntho efe eseles, ka Lebitso la Morena Jesu, le ho phelisa Lentsoe lena, hobane Molimo o Lentsoeng la Oona.

¹¹⁸ Ke ne ke qoqa, letsatsi le leng, le e-e mokha o itseng oa bolumeli o lumelang hore—hore kereke ke karabo, e seng Lentsoe. Ba itse ba ngotse Bibebe. Bibebe e ne e le . . . e ne e le nalane ea kereke ea bona. 'Me o itse, “Molimo o kerekeng ea Oona.”

Ka re, “Bibebe e boletse, ‘Molimo o Lentsoeng la Oona.’”

¹¹⁹ “Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama 'me la aha har'a rōna.” Ke hantle. E ne e le Lentsoe la Molimo, Lentsoe la Molimo le builoeng. 'Me Molimo o Lentsoeng la Oona. Tšepiso e 'ngoe le e 'ngoe eo Molimo o e etsang, O emela tšepiso ea Oona. Ntho e le 'ngoe eo re tlamehang ho e etsa, ke, re kenya Lentsoe la Oona pelōng ea rōna, re sa Le belaele, empa ho lumela, ebe moo Molimo o etsahatsang Lentsoe leo (e leng Oona ka ho uena) ho sebetsa le ho phethahatsa seo O se tšepisitseng.

¹²⁰ Na O e entse ho Abrahama? Khele, Abrahama, ho monna oa lilemo tse mashome a tšeletseng a metso e mehlano, kapa, le pele, kapa, lilemo tse mashome a supileng a metso e mehlano, pele a fuoa tšepiso. 'Me a kenya Lentsoe leo pelōng 'me a Le boloka mono lilemo tse mashome a mabeli a metso e mehlano. Empa e hlahisitse hantle feela seo tšepiso e neng e le eona. Na ho joalo?

¹²¹ Molimo Lentsoeng la Oona. Bohle re tseba seo. Ha ho thojana le e 'ngoe ea Bibebe e Itoantsang. Ke nyehetse motho mang sohle seo ba se batlang; ke tla rera Evangelie 'me ke phuthe monehelo oa selemo, ke o abe, karoloana ea ona, ho monna ea ka tšoarang Lentsoe la Molimo 'me a Le hanyetse ka Lentsoe la Molimo, ho 'na. Ke hantle. Ha e fumanoe. 'Me ke qhololitse joalo lilemo le lilemo; ke sa ntse ke phutha menehelo ea ka ea lerato. Hoba, ha e fumanoe. U ka tšoha u rarahane hakaale bohlalefing ba hao,

hobane Bibele e . . . Jesu o lebohile Ntate oa Hae ka ho “E patela mahlo a ba bohlale le ba masene, le ho Le senolela masea a tlang hoh ithuta.” Le a bona, Ke Lentsoe la Molimo.

Lentsoe le tšoana le Peō.

¹²² Joale, ha u nka peō. Lōna batho ba Lebopo la Bophirima mona, le leng lihoai tse khōlō. Joale, ha u nka sefate sa hao sa lamunu. Joale, u nka sefate sa hao sa lamunu, ha u qala u se nka, ke peō. Ha u e sunya mobung, le joalo peō eo e tla hlahisa sefate sa lamunu. Ehlide. Joale, ho lutse joalo. Joale, sefate sena sa lamunu, seo feela u se etsang feela ka hoo, ha se batla se le bophahamo bo bokaale ka ntho ea hao . . . bophahamo ba inchi. Ha ke tsebe hoba sefate sa lilamunu se ka beha masihhla a makae bophelong ba sona. Ha re re, ho tea mohlala, masihhla a makholo a mahlano. Joale, mono e ka ba kaholimō kapa katlase, ha ke tsebe; empa ha re re masihhla a makholo a mahlano. Na u tsebile lamunu ka ‘ngoe e tlang ho hlaha sefateng seo e ka ho sona mohla se batlang se le bophahamo ba inchi? [Sekheo lebanteng—Mohl.] Na u tsebile seo? Ehlide, ho joalo. Kae? E tsoa peōng. Joale, ntho e leng eona feela, e lemiloe feela, e aliloe.

¹²³ ‘Me se tlameha ho hula, se monya metsi lefatšeng, ho ikōtla ka phepo. ‘Me se momona metsi mobung, ‘me tlameha ho noa ho feta kabelo ea sona. ‘Me nako le nako . . . hoba, se tlameha ho suuletsa kantle. ‘Me ha se enoa metsi, se hlahisa makala; ho noa metsi a mang, ho hlahisa mahlaku; ho noa metsi a mang, ho hlahisa lipalesa; ho noa metsi hape, ho hlahisa lilamunu. Se lula se enoa, le ho sutuletsa kantle. Empa, se tlameha ho noa.

¹²⁴ Le molumeli o a itšoanelo, o lutse hantle setsing sa Lentsoe la Molimo. Amen! ‘Me haeba a hloka letho, o noa feela, a ntoo sutuletsa kantle; ho noa, le ho sutuletsa kantle. Motho ha a tlatsitsoe ka Moea o Halalelang, sohle seo a tlang ho sebelisa le ka mohla leetong la bophelo ba hae se ka ho eéna hantle hona lekhatheng leo. E, monghalo. Sohle seo re tlamehang ho se etsa ke ho noa le ho noa, le ho noa le ho noa, le ho noa hofihlela re e fumana. Re lemiloe ka ho Kreste Jesu! ‘Me botoloki ba ka ba Oona, Ke Seliba sa Bophelo se sa timeng. Ke hantle seo ke O hopolang o le sona. ‘Me ha re lemiloe ka ho Oona, ha O time! Re ka momona ho Oona, molemo, mosa, bonolo, mamello, matla, pholiso, [Sekheo lebanteng—Mohl.] . . . tšepiso eo O e abileng, hoba re lemiloe Peōng ea Lentsoe la Oona. ‘Me Le tla hlahisa ka tšoanelo hantle feela seo Molimo o se boletseng Le tla se hlahisa. Ke Peō, Lentsoe.

¹²⁵ Molimo Lentsoeng la Oona. Re lumela seo, ha ke re? Kaofela ha rōna re a lumela. Le bona Molimo o arabela. Lilemong tse ngata tse fetileng morao koana, mohla O ba laetseng ho nyoloha, Pentekosta, ba ne ba tla amohela Moea o Halalelang. Lilemo pele ho moo, ho Esaia, O itse, “Ke molao holim’ a molao, taelo holim’ a taelo, hanyenyane mona le hanyenyane mane. Le tiisetse

ho molemo. Ke ka melomo e kokotletsang le ka maleme a basele Ke tlang ho bua le batho bana, 'me ena ke nqalo ea Phomolo." Le a bona, O e boletse pele khale koana, eaba Lentsoe la Oona le fihla hantle 'me le a bonahatsoa. Tsohle, Messia oa pallo, ho tsoa tšimong ea Edene, "Peō e tlang ho khoba hlooho ea noha," le joalo le joalo, e etsahetse. Molimo Lentsoeng la Oona.

¹²⁶ Joale, Molimo ka ho bokahohle ba Oona, e re "amen" haeba u e lumela.

[Phutheho e re, "Amen."—Mohl.] Molimo Lentsoeng la Oona. Le a e lumela na, e reng "amen." ["Amen"]

¹²⁷ Joale, Molimo ho Mora oa Oona. Joale, Molimo o ne o le ho Mora oa Oona. "Molimo o ne o le ho Kreste, o khutlisetsa lefatše ho Oona," ke seo Lengolo le se buang. Oona, Molimo o ne o tla theoha, le ho phela kahar'a 'mele, ho tsoaloa ke moroetsana Maria, 'me Molimo oa Iponahatsa ka Kreste; ho supa seo litholoana tsa Oona—tsa Oona li neng li le sona, ho supa hore O ratile, ho bontša hoba mamello ea Oona, ho bontša matla a Oona, ho bontša le ho Iponahatsa. Molimo o phetse ka ho Kreste, ho khutlisetsa lefatše ho Oona.

¹²⁸ Ha se khale mona, ha ke qoqa le mosali, kapa a ile a hulela maikutlo a ka. O itse, "Molisa Branham," a re, "Ke ananela lithero tsa hao. Ke, ke a... Ke etela likōpano tsa hao." Feela e le setho sa mokha oa bolumeli bo itseng bo sa lumeleng hoba Jesu o ne a Khethehile. 'Me o itse, "Be, O ne a sa Khetheha." 'Me ka re... Ho re, "U leka ho Mo etsa ea Khethehileng haholo."

Ka re, "O ne a Khethehile."

¹²⁹ "Oh," a re, "monghali, ke a amohela E ne e le monna ea lōkileng." 'Me ha ke batle ho utloisa maikutlo a lōna bohloko; batho ba bang bao ke metsoalle ea ka e theko e thata. Ke Bokreste ba Mahlale. 'Me o itse, "Eéna, ha A Khetheha." Ho re, "Ke tla amohela hoba E ne e le moporofeta, empa O ne a sa Khetheha. 'Me u leka ho Mo etsa ea Khethehileng."

¹³⁰ Ka re, "O ne a Khethehile ho seng joalo moqhekanyetsi ea fetisang eo lefatše le kileng la mo kakatlela." Ke hantle. Ka re, "O ne a Khethehile. E ne e le ea fetisang le moporofeta. E ne e le Molimo o kaholim'a baporofeta! Ehlide, O ne a le joalo." Ka re, "O ne a Khethehile."

¹³¹ 'Me a re, "Joale, u itse uena u 'thutamotheo,' 'me u lumetse Lengolo."

Ka re, "Ke joalo."

¹³² 'Me a re, "Ha nka u kholisa, ka Bibele ea hao, hore O ne a sa Khetheha, na u tla mpakela ke népile?"

¹³³ Ka re, "E, monghali. Eféla ha Bibele e Mo tlalehile a ne a sa Khetheha, ke tla lumela Bibele ke hona." 'Me ka re, "Empa ke tlameha ho bona Lengolo."

¹³⁴ A re, "Ho Johanne, koana ho St. Johanne, E boletse, 'Mohla Jesu a theohetseng lebitleng la Lazaro, O ile a lla.'" Le ho re, "U a tseba, haeba A ne a Khethehile, O ne a ke ke a lla."

Ka re, "Khaitseli, na u tsetleha mohopolo oa hao moo?"

¹³⁵ A re, "E, monghali. Ebile ke nnete. O ile lebitleng la Lazaro, O ile a lla; hoo ho Mo supile a sa Khetheha."

¹³⁶ Ka re, "Khang ea hao ke motsarana o fetang le moro o mintsoeng seriting sa khoho e bolaauoeng ke tlala." Ka re, "Be, u tseba hantle ho feta moo."

¹³⁷ 'Me a re, "Oh, E ne e le—E ne e le—E ne e le moporofeta, E ne e le monna ea lōkileng."

¹³⁸ Ka re, "E ne e le ea fetisang le . . . Molimo o ne o le ho Eéna. E ne e le monna, empa E ne e le—e le Motho-habeli. E Mong, E ne e le motho; Moea o ho Eéna e ne e le Molimo!" Ka re, "Molimo o ne o le ho Kreste."

A re, "Ah! Che!"

¹³⁹ Ka re, "Sheba, leleiti, ke tla qotsa lona Lengolo la hao. E ne e le motho, empa E ne e le Molimo-motho. Mohla A theohetseng lebitleng la Lazaro, O llile joaloka motho. Ke 'nete. Empa eitseha A ema mono, a sihletsa mahetlana a Hae a khutlahaneng, le ho re, 'Lazaro, tsoa moo,' 'me monna ea shoeleng, a shoele matsatsi a mane, a busetsoa bophelong, e ne e le ea fetisang motho. Motho a ka sitoa ho etsa hoo. E ne e le Molimo ka ho Mora oa Oona."

¹⁴⁰ E ne e le motho mohla A theohang thabeng, a lapile, a batla lijo, a tsoma hantle se ka jeoang sefateng. E ne e le motho ha a A lapile. Empa ha A nka lihlapi tse peli le dibasekeiti tse hlano ho fepa likete tse hlano e ne e le ea fetisang motho. E ne e le Molimo ka ho Mora oa Oona. Ehlile bo!

¹⁴¹ E ne e le motho ha A robetse kantle mokorong oo bosiung boo, molemo o tsoile ho Eéna, hofihlela A fokotse A sa khone . . . le maqhubu a sa Mo phaphamise, ho tsokotsoa ke mokoro oo oa khale, joaloka sepako sa bottlolo kantle mono leoatleng le matlahali. Boliabolosi ba likete tse leshome ba hlapantse ho Mo quelisa A sa khalehile bosiung boo. E ne e le motho ha A otsela a khathetse. Empa eitseha A beha leoto la Hae moralong oa mokoroana, ho lelala le ho re, "Khutsa, u re tu," 'me meeaa le maqhubu li Mo utloa, e ne e le ea fetisang le motho. Molimo o ne o le ho Mora oa Oona! Ruri!

¹⁴² E ne e le motho ha A eshoa mono sefapanong, a llela ho hauheloa. E ne e le motho mohla A shoang. O llile joaloka motho, A utloa bohloko joaloka motho. Empa ka Paseka hoseng ha A ne a qhaqha e . . . lefu, lihele, le litiso tsa lebitlila, le ho boela a tsoha; Ke Ea fetisang motho, O pakile hobane E ne e le Molimo!

Ho pheleng, O nthatile; lefung, O mpholositse;
 Kepelong, O isitse libe tsa ka hole;
 Tsohong, O lokafalitse kamehla;
 Tsatsi le leng O a tla, oh, tsatsi le khanyang!

¹⁴³ Molimo o ne o le ho Mora oa Oona, ho busetsa lefatše ho Oona. Na le lumela seo? Ehlide. Molimo o ne o le ho Mora oa Oona. Ka potlako, re siuoa ke nako. Ntho e le 'ngoe hape. Re... Na le lumela Molimo o ho bokahohle ba Oona? Molimo Lentsoeng la Oona? Molimo o ne o le ho Mora oa Oona?

¹⁴⁴ Joale, Molimo bathong ba Oona. Ke hantle. Re tla bona haeba O theohela ho bana ba batho joalokaha O etsa tlhahong. Bana ba batho ke karolo ea tlhaho ea Oona. Ehlide, ba joalo. Joale lemohang, Molimo o ne o le bathong ba Oona.

¹⁴⁵ E ne e le mang bosiusing bo bong therong ea rōna, ho Elia, mohla lesea le bolaoang ke setrouku sa letsatsi, 'me le robetse lihora le lihora liphateng tsa moporofeta, mohla monna, ea bitsoang "Elia," a ea morao le pele, le holimō le tlase mokatong, 'me a robatsa 'mele oa hae holim'a lesea le shoeleng, 'me la phela? E ne e le Molimo bathong ba Oona. Ruri e ne e le eona.

¹⁴⁶ E ne e le mang, mohla Santa Petrose, moapostola, ralihlapi ea sa balang hakaale... Bibebe e itse, "O ne a sa bala 'me a sa ruteha." E ne e le mang, mohla a theohileng ka literata, mme batho ba robatsa bakuli seriting sa monna eo, mme ba fola? Na ba folisitsoe ke seriti sa monna? E ne e le Molimo bathong ba Oona, o folisitseng.

¹⁴⁷ Ke mang ka ho Santa Pauluse, mohla ba nkileng liluku kapa liaprone tse ammeng mmele oa hae, 'me ba li beha holim'a bakuli? Molimo o ne o le bathong ba Oona. Ba lemohile Molimo ka ho Santa Pauluse. Ehlide, ba entse.

¹⁴⁸ E ne e le mang mohla sehlopha sa makoala se rapetseng, se nkile Lentsoe la Molimo 'me sa nyolohela Pentekosta? Ba ne ba tinkelitse menyako eohle, le lifesetere li tinkelitsoe, 'me mono ba hlotse matsatsi a leshome. Hang feela ha utloahala molumo o tsoang Leholimōng o kang moea, o fokang ka sefefo, ntlu eohle eo ba lutseng ho eona, maleme a arohaneng a lula holim'a bona, e ka mollo. Eaba ba tsoela kantle literateng, athe ba kile ba tšaba, ho tsoela kantle mono, ba bolela Evangelī 'me ba itšoere joaloka sehlopha sa batho ba tahiloeng. E ne e le eng? Molimo bathong ba Oona. Molimo o tsamaeang har'a batho ba Oona.

¹⁴⁹ Molimo o ka ho uena. Molimo, Moea o Halalelang, o ka ho lōna, ho likoloha joale, ho khutlisetsa lefatše ho Oona.

¹⁵⁰ Bareri bana ba bululetseng ba susumetsoa ke'ng ho rera Evangelī? Ba etsoa ke'ng? E ka ba, khetlo le leng e ne e le, matahoa; khetlo le leng, limokolara; khetlo le leng, monna ea khopo; hang feela, ntho ea fetoha! 'Me ke bana ba eme, ba bolela Evangelī 'me ba nehela maphelo a bona. 'Me ba bang ba bona, mohlomong, ke bafutsana ba soro. Athe e ka be e le borakhoebo

'me ba ruile, ba qhoba makoloi a maholo 'me ba phela boiketlo, empa ba e tetse 'me ba e tlohetse. Khele? Molimo bathong ba Oona, ho khutlisetsa lefatše ho Oona. Molimo bathong ba Oona.

¹⁵¹ Ho khahlolang mosajana kapa monnana ke hofe, a nto tsoha, 'me sefahleho sa hae se relimolohe joaloka kandelare, le ho bua ka puo eo a sa tsebeng letho ka eona, athe e mong o ema tlas'a pululelo eona eo a hlahisetse kereke ea Oona molaetsa? Molimo bathong ba Oona. Amen.

¹⁵² Ho fihlang kalaneng ena, kōpanong ka morao ho kōpano, ho etsa eona mehlolo e entsoeng ke Jesu mehleng ea Hae lefatšeng mona? Ke Molimo bathong ba Oona. Ho sa tsotelehe e ka aha hakakang ka ho 'na, e tlameha ho aha ka ho uena, hape. Hobane, e ke ke ea sebetsa ho 'na ke inotši. E hloka 'na le uena 'moho, ho e etsa. Ke hantle.

¹⁵³ Rōna bohole 'moho, Molimo ka ho rōna bohole! Molimo, o seng ka ho Methodise feela kapa Baptise, kapa Pentekosta kapa Presbeteriene, empa Molimo o ka ho molumeli e mong le e mong ea amohetseng Moea o Halalelang. Ke Molimo oo, Moea o Halalelang, ka ho batho, ho khutlisetsa lefatše ho Oona.

¹⁵⁴ Shebang kamoo O etsang hore batho ba e lumele. Ka tsona lintho tseo O li entseng mane Pentekosta, O ba etsetsa tsona kajeno, ka ho tšoana. Ba amohetse Moea o Halalelang ka ho tšoana, mehlolo e tšoanang le meeka e ba sala morao.

¹⁵⁵ Molimo ho bokahohle ba Oona. Na le lumela seo? Molimo Lentsoeng la Oona. Na le lumela seo? Molimo ho Mora oa Oona. Na le lumela seo? Molimo bathong ba Oona. Na le lumela seo? Molimo o tsamaeang ka ho bohole!

¹⁵⁶ Ka lebaka leo Filipi o itse, "Re bontše Ntate, e tla ba ho re lekane."

¹⁵⁷ Kajeno ke khotsofaletse ho bona Molimo ha ke sheba hohle! Ha ke bone Oona feela, empa ke O utloile 'me ke a tseba O teng mona! Joalokaha seroki se boletse, "U mpotsa kamoo ke tsebang O phela, O phela pelōng ea me." Ke shebella Moea oa Oona le ho O bona o ntšusumetsa, o ntsamaisa. U susumetsoa ke ho Hong, Moea o Halalelang. Molimo o mona kajeno, metsoalle. Molimo o teng mona.

¹⁵⁸ O tlahong ea Oona koana, lehlabula le mariha, mahlaku, lipalesa, linonyana, liphooefolo. O letsatsing le likelang, letsatsing le chabang. O ho letsatsi le mahlahana a lona. O hohle! Molimo o hohle! O ho bokahohle ba Oona.

¹⁵⁹ Molimo o Lentsoeng la Oona. Mang le mang ea ka nkang Lentsoe la Oona, tsepiso efe... Ha nke ke hatisoe ka ho bua sena. Ha u ka tsepamisa kelello ea hao nqa tsepiso efe ea Molimo ea Khalalelo, e tla phethahatsoa. Ke sona seo ke se nahanang ka Lentsoe la Oona. Ha u nka tsepiso efe ka Mona, 'me o tsepamisa

kelello ka tšoanelo nqa eona, Molimo o tla u phethisetsa eona. Molimo Lentsoeng la Oona.

¹⁶⁰ Molimo ho Mora oa Oona. O ne a Khethehile. Ke Mora oa Molimo. Ke lumela seo ka sohle se leng ka ho 'na. Ke a e lumela. E, monghali. O ne a sa fetise le... E ne e le moporofeta. Ehlide, E ne e le moporofeta, E ne e le moreri, E ne e le sebini. E ne e le—E ne e le Molimo, Molimo o bona hetseng nameng. Molimo o theohile ka nama, ho khutlisetsa lefatše ho Oona. Eaba Mora ea khabane eo oa Molimo o a shoa. 'Me, ha A eshoa, O nehetse bophelo ba Hae. O tsohile hape ka Paseka, 'me Molimo o tsositse 'mele oa Hae ho o beha letsohong la Oona le letona, le ho khutlisa Moea o Halalelang ho tsoelapele ho Iponahatsa har'a batho.

¹⁶¹ Mme ona Moea o neng o le ho Jesu Kreste o hara rona kajeno, ho Iponahatsa molebe hara batho, ka tsona lipontsho, ka eona meeka, ho ba neha Moea o Halalelang, ho bua ka lipuo tsa mofuta oo, ho ba neha phetolelo eona eo, ho bona lipono, ho tsoa, ho folisa bakuli, hantle feela joalokaha O entse qalong. Molimo bathong ba Oona!

¹⁶² Hobaneng re ka sheba ke hona, "Re bontshe Ntate etlaba ho re lekane"? Re bona Ntate. Re bona Ntate.

¹⁶³ Ha ke—ha ke sheba kantle mona ke bona letsatsi le likelang, ke bona Ntate. Ha ke bona letsatsi le chabang, ke bona Ntate. Ha ke utloa molumo o hlaha oa sebata, ke bona Ntate. Ha ke bona lipalesa tseo tse thunyang, ke bona Ntate. Lōna ha le joalo?

¹⁶⁴ Ke O bona Lentsoeng la Oona. Nako le nako ha ke nka Lentsoe la Oona la tsepiso, ke bona Ntate.

¹⁶⁵ Ha ke talima Jesu, ke bona Ntate a Itlhahisa ka Mora.

¹⁶⁶ Ke sheba batho ba Oona, ke bona Ntate; ho O bona o sebetsa mahareng a batho ba Oona, ho Itlhahisa, ho tsoelapele. "Mpontše Ntate"? Ke enoa hantle mona thapama ena, ho sebetsa har'a batho ba Oona, ka ho batho ba Oona, ka batho ba Oona, holim'a batho ba Oona. Alleluia! Molimo bathong ba Oona.

¹⁶⁷ Ha re rapeleng. [Sekheo lebanteng—Mohl.] Ho bokoe Molimo! Le a Mo rata na? Ke hantle.

¹⁶⁸ Ke a kholoa Billy o mpoleletse ka mashome a mahlano a rapelloang... Ke hantle. Setlankana sa thapelo sa palo 'ngoe. Phahamisa letsoho la hao, ka potlako ruri, re tle re bone joale, le ho kena moleng oa thapelo ka potlako. Re tla bona ho etsahala ho hong. Ke... Na le e emetse? Setlankana sa thapelo palo 'ngoe, se tšoeroe ke mang? Leleiti lena mona, u tšoere setlankana sa thapelo 'ngoe? Ke kōpa setlankana sa thapelo 'ngoe. (Ebe—ebe letere ea sona ke efe?) E.

¹⁶⁹ Setlankana thapelo E, palo 'ngoe, phahamisa letsoho la hao. Palo peli. Ke hantle. Palo tharo, palo 'ne. Tloo ka koano mona, u ka tla? Palo hlano, tšeleta, supa. Ke hantle, ema hantle. Ha ke bitsa feela, ema. Supa, robeli, robong, leshome, leshome-'ngoe,

leshome-peli, leshome-tharo, leshome-'ne, leshome-hlano, leshome-tšeleta, leshome-supā, leshome-robeli, leshome-robong, mashome a mabeli, mashopeli-'ngoe, mashopeli-peli, mashopeli-tharo, mashopeli-'ne, mashopeli-hlano, ba emiseng feela joale.

¹⁷⁰ Ba sa tšoarang setlankana thapelo ba bakae, phahamisang matsoho a lōna. Na le lumela Molimo bathong ba Oona? Oona Molimo o tsamaileng Galelea, ka ho Jesu Kreste, le a lumela O teng mona kajeno, ka ho lōna, ona Moea o neng o le ho Jesu? Ke Mora Molimo ea tsoetsoeng ke moroetsana; 'me lōna le bara ba hlomamisisoeng, ke Eéna. Moea o neng o le ho Eéna, o ka ho lōna. Ke hantle.

¹⁷¹ Mashopeli-hlano, mashopeli-tšeleta, mashopeli-supā, mashopeli-robeli, mashopeli-robong, mashome a mararō, bao ba tle. Re ba bitsa joalo ba se hatellane, le a tseba, ho tsamaea hohle haholo. Ke hantle, mashome a mararo, mashotharo-'ngoe, mashotharo-peli, mashotharo-tharo, mashothro 'ne, mashotharo-hlano, mashotharo-tšeleta, mashotharo-supā, mashotharo-robeli, mashotharo-robong, mashome a mane. Ke hantle, fetelang nqa ena tlase mono 'me ba tla le emisa mola hantle. Ha u sa khone ho tsamaea, khele, tsebisa motho e mong, ba tla u jara.

¹⁷² Joale, ba bakae ba sa tšoarang setlankana thapelo, phahamisa letsoho la hao, ho re, "Ke batla ho folisoa ke Molimo thapama ena." Ha ke tsotelle u mang, u tsoa kae, ntho efe, e re feela, "Ke batla ho folisoa ke Molimo. Ke a lumela."

¹⁷³ Ke hantle, mashome a mane ho fihla ho mashome a mahlano joale, ba tle. Mang le mang ea tšoereng setlankana thapelo, phahama 'me u tle koano joale, uena ea tšoereng setlankana thapelo. Re tla ema nakoana feela re nto qala ka mola oa thapelo hantle, ho rapella bakuli.

¹⁷⁴ Joale, re tlameha re be re qetile metsotsong e latelang e leshome kapa e leshome-hlano, re jareleng motsotso oa nakoana ke hona, Le ho rapela ka sohle se leng ka ho uena. Joale ke batla le shebe nqa ena, e mong le e mong oa lōna joale. Joale hopolang . . .

¹⁷⁵ Ho na le baeti ba esong ho kenele e 'ngoe ea likōpano pele mona? Ba 'maloa ruri, shebang feela. Re thabetse ho ba le lōna. Ho tšepa le tla—le tla tsoelapele tšebeletsong ea mofuta ona, ke ho re, moo Moea o Halalelang . . . Haeba u se setho sa e—e kereke ea mofuta e leng Evangelī e tletseng, le ka tilhaho, re a u kōpa, haeba u rata tšebeletsong ea mofuta moo Moea o Halalelang o kena 'me o nka khato. Shebang bareri bana mona, ba—ba ahile hohle naheng ena mona, 'me ba tla . . . (Ke a leboha, khaitseli.) Ba tla—ba tla thabela ho le amohela kerekeng ea bona.

¹⁷⁶ Joale ke batla ho bua sena, motho mang ea sokolohileng vekeng ena, motho mang ea sokolohileng mona veke ena, joale, shebang sehlopha sena sa bareri, ba—ba emetse seo ke se

emelang. Ha re na phapang le e 'ngoe. Bohle re bang ka 'nete. Re lumela Evangeli e tletseng, kolobetso ea Moea o Halalelang, lintho tsena tsohle. Bareri bana bohole mona, bohole re tsohana feela hantle. 'Me re batla le ingolise kerekeng ea bona le tle le tsoelepele. Joale ke bo... Mosamaria e molemo o fetile, a tlola leqeba oli. Empa joale o nkile lona, 'me o batla le kene tlung e 'ngoe ea baeti mona, e haufi-ufi le uena. O se a lefile molisa ho u hlokomela, ka hona o lefile; o amohetse Moea o Halalelang, o tsoere mahlohonolo a Molimo, le monate oa 'mele, le tšenolo, a ka fepa soule ea hao feela! Tloo joale u iteanye le e 'ngoe ea likereke tsena, 'me e tla-e tla ba ntho e fetisang eo u ka e etsetsang seperete sa hao ho lula sa feptjoa 'me se tsoelapele. Molimo a be le lōna.

¹⁷⁷ Joale, ha re ipolele letho haese moena oa lōna. Joale, ha Hloibilo e ka fihla kajeno, 'me Molimo o ka isa ba nang le tokelo bao pele lapeng, ke tla ba oa ho qetela ho tloha kalaneng ena. Ke hantle. 'Na ke sefolotsana sa mehla. Ke... Mohla lōna, bareri ba bangata ba Pentekosta mona, le baholo ho 'na, le kene seterateng mona lilemo khale koana, la rera, mohla hloriso e leng thata, eaba le latsa tsela eo ke mathang ho eona. Le boleletse batho hobane lintho tsena li tla etsahala. La tlameha ho khethula lihlahla tsa mefuta eohle le lintho, holim'a liqubu tsa majoe a mefuta eohle. Le a bona? Nna ke lesaea feela. 'Me ke lōna batho, ke lōna baena ba—ba tlisiseng taba ena. Ke lōna baena le likhaiselsi le entseng lintho tsena. Le e boleletse batho feela, la ba bolella hobane e tla fihla. Le alile motheo. E mong ke... o ala motheo, e mong ke 'metli, e mong ke plamara, e mong ke rametlakase. Ntlu ea Molimo e a hahuoa. Le a bona? 'Me joale ha re tsoelapele, sebaka sa e mong le e mong se teng joale. 'Me joale re—re batla lōna batho le hlomphe le tlottle baena ba rōna le likereke tsena. Le ho lumella 'Muso oa Molimo ho anafala le ho hola kamehla, ke thapelo ea rōna.

¹⁷⁸ Joale, nke ke ka folisa. Pholiso khale e lefeletsoe ke Moea o Halalelang. Ba e tsebang ba bakae? Kreste o e phethisitse Kalvari. Ntho feela, ea banna bana mona mohlomong, ke bareri, ba ka nka Lentsoe la Molimo. Nke ke ka... Nke ke ka iteta ho ema pel'a bona ka Lentsoe la Molimo, le ka ntho efe e khahlano; hobane, ba bitsitsoe, eo ke ofisi ea bona, ba rera, ba tseba seo ba buang ka sona. Ke mpa ke mamela seo ba se buang, le ho re "amen" le ho tsoelapele, hoba ke—hoba ke banna ba Molimo. Ke ba sala morao, 'me ke ba fumana ba le kahar'a Bibele, 'me ba bolela 'Nete.

¹⁷⁹ Be, joale, hakaalo ha ke moreri. Empa neo ea ka ke neo ea pono. Hoo ke... Jesu e ne e le moreri. E boetse e le seboni. 'Na lebakeng la ka, ke haelloa ke thuto e lekaneng ho rera, empa ke tsoere neo ea ho bona lintho esale pele, ho bolela le ho bolela esale pele.

¹⁸⁰ Hoba, ka Bibeleng, E boletse, “Ho ne ho rongoe baapostola, baporofeta, baboleli, baruti, balisa, hohle molemong oa ho phethisisa Kereke.” Molimo o beile ka Kerekeng. Joale, lineo tsa moea li robong, tseo re ka li supang, le joalo-joalo, le ho rapella lineo tse fetisisang ka mefehelo, ‘me le ho bontšisa joalo. Empa tse ling tsena ke lineo tsa Molimo tse reriloeng esale pele, Molimo o li rometse kahar’ a Kereke.

¹⁸¹ Ho mongoaha o tlang, Eéna . . . Johanne Mokolobetsi, e ne e le pulamaliboho e ikhethang ea mongoaha oo. Molimo oa mo rerapele ho etsa mosebetsi oo. Na le lumela seo? Ehlide, O entse. Jesu o itse, “Ana le ne le tsoile ho bona moporofeta?” Ho re, “Ea fetisang le moporofeta.” Le a bona? Johanne ha a tseba seo, empa Jesu o e tsebile. Le a bona?

¹⁸² Le Jeremia, pele a hlaha, Molimo o itse, “Ke u tsebile, ka u halaletsa ho beoa moporofeta ho lichaba.” Ke ’nete, ha se eona?

¹⁸³ Joale mehleng ea Jesu lefatšeng mona, O itse, mohla A seng a tla tloha, O itse, “Ho se ho se hokae, ‘me lefatše . . .” Se lebale sena, motsoalle oa Mokreste. “Ho se ho se hokae, ‘me lefatše ha le sa tla Mpona; empa lōna le tla Mpona, hoba Ke tla ba le lōna, ka ho lōna, ho isa bofelong ba lefatše.” Na O itsalo? O tla ba le rōna ho isa bofelong ba lefatše. Bibebe e itse, “Oa maobane, kajeno le kamehla.” Ke ho re, “ho tšoana ka molao, ho tšoana ka matla.” Phapang ea Jesu feela lefatšeng kajeno, mabapa le Eéna mohlang oo, kajeno O mona ka sebopoho sa Moea o Halalelang. ‘Mele oa Hae ka seqo o lutse letsohong le letona la Molimo Leholidmōng hape. Tsatsi le leng O tla khutla, ‘me ba leng ka ho Kreste ba tla tsoha ‘me ba tsamaee le Eéna. Le a bona? Ke seo re se shebeletseng, ka letsatsi lela. Empa Moea oa Oona, ka matla a Oona ohle le ponahatso, a neiloe ‘Mele oa balumeli lefatše bophara.

¹⁸⁴ Joale, Lengeloi lena la Morena: haeba Le sa phethise la etsa eona mesebetsi eo Jesu a e entseng, E tla be e se Moea o neng o lutse ho Jesu, empa haeba Le etsa mesebetsi eo Jesu a e etsang! hobane, O itse, “Ea lumelang ho ’Na, mesebetsi eo Ke e etsang, o tla e etsa le eéna.”

¹⁸⁵ Le a tseba Bibebe e boletse, eona khaolo eo, Johanne 14, “Mesebetsi eo Ke e etsang, le eéna o tla e etsa; o tla etsa le e mengata ho ena, hoba Ke ea ho Ntate oa Ka.” Ke a tseba King James e re “meholo.” E ke ke ea eba meholo; ea mantlha e re “mengata.” Hoba, O khutsisitse tlhaho, O tsositse bafu, be, sohle feela. Le ka sitoa ho etsa tse khōlō ho feta tseo A li entseng. Empa Kereke e tla etsa e mengata, hobane, e re re sa tšoere kōpano mona, ba tšoere kōpano Afrika, ba tšoere kōpano Brazil, bohole bophareng ba lefatše, le a bona, hoba e ka ba mengata. Molimo o ne o bonahalitsoe Mothong a le mong mohlang oo, Mora oa Ona Jesu; joale O bonahetse Kerekeng ea Hae, e ka lefatšeng. Empa ke Moea o le mong o etsang mesebetsi! Ka letsatsi le leng . . .

¹⁸⁶ Ho lōna ba sa tšoarang setlankana thapelo. Joale, na setlankana thapelo se sa le teng ka har'a—ka har'a letšoelé? Ha se le teng, u tšoanelá ho kena moleng. Lōna ba sa tšoarang litlankana thapelo, mosali o kile a ba teng . . .

¹⁸⁷ Ha re re—ha re e bueng ka tsela ena, ha e baloe ka tsela ena, empa mosali o kile a ba le phallo ea mali, 'me a sa tsebe kamoo a tlāng ho fihlela Jesu. Empa o itse, "Ha nka ama qola ea seaparo sa Hae, ke lumela ho Eéna, ke tla fola." Ba balileng pale eo ba bakae? Khele, ehlile, re entse.

¹⁸⁸ 'Me, joale, a pholletsá letšoelé, 'me a feta basomi bohole, 'me a ama seaparo sa Hae. Joale, seaparo sa Palestina se leketla ka bolokolohi, 'me ba kentse le seaparo sa kahare. Joale, ha A e utloa ka 'mele, empa O itse, "Ke anngoe ke mang?" hoba a Mo ame a ntoo a khutlela morao letšoeleng. "Ke anngoe ke mang?"

¹⁸⁹ 'Me, khele, Petrose a Mo khalemela, ho re, "Morena, U rialo joang? Khele, mang le mang o a U ama, athe U re, 'Ke anngoe ke mang?" A Mo khalemela, Bibele e boletse.

¹⁹⁰ A re, "Empa Ke fela matla, molemo o tsoile ho 'Na." 'Me A qamaka holim'a letšoelé hofihlela A fumane mosajana eo. 'Me O itse ho eéna, "Tumelo ea hao e u pholositse." A kile a tšoaroa ke phallo ea mali. Le sa e hopola? Joale ba bakae . . .

¹⁹¹ Shebang, tšebeletso ena ea bolisa mona, lōna bohole balisa. Baena molisa, Bibele e itse "Jesu Kreste oa maobane, kajeno, le kamehla." Na ho joalo? 'Me Bibele e re "Ke Moprista e Moholo, ea lutseng joale letsohong le letona la Molimo, ho re buella holim'a maipolelo a rōna." Ke Moprista e Moholo ea ka angoang ke maikutlo a mahlomola a rōna. Na ho joalo? Le bona seo? Moprista e Moholo. Joale, ha E le oa maobane le kamehla, kamo ea mofuta oo e tla hlahisa liphetho tse tšoanang. Na ho joalo?

¹⁹² Joale shebang ho Eéna. Le ka Mo ama joang? Ka tumelo ea hao. Ho nanabela le ho re, "Morena Jesu, tlhoko ea ka e mahlonoko."

¹⁹³ Mamela. Botsa sena. U se ke oa ithapella; rapella motho e mong. Ha re e nkeng joalo. E seng joaloka uena; rapella motho e mong. Moea o Halalelang e be ona o e hlokamelang. Rapella motho e mong. Baratuoa ba bang ba lōna, kapa motho eo u mo tsebang nqa e 'ngoe, kapa ntho e kang eo, rapella seo. Le a bona, u tla tseba . . . ha ba tla- . . . Ha ba tlameha ho ba teng mona. Molimo o utloa thapelo. O tseba seo u se rapellang.

¹⁹⁴ Melata ho 'na e mekae ka moahong, eo ke sa tsebeng letho ka eona? Phahamisa letsoho la hao. Ke a leboha. Ke a kholoa, motho e mong le e mong. Ho theoha ka mola ona oa thapelo, e mong le e mong oa lōna o tseba, le a tseba hobane ha le ntsebe, phahamisa letsoho la hao. Ha ke u tsebe.

¹⁹⁵ Joale, le a elelloa, eféla ha kamo e le 'ngoe ho tsoa ho mosajana e qephisitse matla a Jesu Kreste Mora oa Molimo, molemo o tsoile ho Eéna (*molemo* ke "matla"), 'na e ka nketsang, moetsalibe ea bolokehileng ka mohau? Le a bona, botoloki ba hao ke boo, "Le tla etsa e *mengata* ho ena." Le a bona? Ke lōna bao. Joale, ha nka sebetsana le halofo ea mola o rapelloang oo, ka temoho ea moea, mohlomong ba ka tsoa mona ba ntjere. E mphokolisa feela. Ntho e teng ka eona. Nke ke ka etsa hoo hohle. Empa nka rapella e mong le e mong. Ke seo le se batlang, le hona, ha se sona bahesō?

¹⁹⁶ Pehō ea matsoho. Joale, Jesu, ha A re, "Behang matsoho le rapele." O itse, "Mehlolo e tla tsamaea le ba lumelang ke eona ena, ekareha ba beha bakuli matsoho." Ha ho eso thoe "ba rapelleng"; feela "ba beheng matsoho." Tsamaiso ea ho rapela ke, "Bitsa baholo ba kereke, ba ba tlotse ka oli ba ba rapelle," e etselitsoe kereke. Empa neo ea moevangeli ea pholiso feela ke "ho beha bakuli matsoho." Re tseba seo. E seng "ho ba rapella"; "Ba beheng matsoho, mehlolo ena e tla latéla!" Joale, empa e . . .

¹⁹⁷ Ha re boneng, ke mang . . . Moena Borders, mang? Ke hantle. E le hore feela Moea o Halalelang o khone ho qala, le ho haola har'a rōna.

¹⁹⁸ Joale, shebang, ha ke batle motho ea tsamaeang hohle. Ka kōpo hle, joale, hohle, le khutse tu, le apare tšabo. Joale, ke bolela, ha Moea o Halalelang o etsa ntho efe, le batla ho O roris, ke hantle, le tlameha ho etsa joalo. Empa le se ke la phethesela hohle. Lulang le thotse. Hoba, e mong le e mong oa lōna le moea. 'Me tlolo ea Moea o Halalelang e a fihla 'me, ha re re, motho ea ka motše mono o re, "Ke a ipotsa haeba e lōkile," ke e utloa hantle mona. Motha motše koana o re, "Hela, John, na u tseba *Sekete-kete* le *Sekete-kete*? Ke ne ke le *hore-le-hore*." Le a bona, e a sitisa.

¹⁹⁹ Le a bona, hobane, haeba Moea o moholo oa Bophelo Bosafeleng o na le rōna, 'me O ntlotselitse ntho e itseng, ke tla e utloa e ka pelō e otlang. Le a bona, lōna . . . Ke kamoo ke—ke e fumanang. Le a bona, le a Mo ama. 'Me ka seo, ha u Mo rapela, thekolohelo ea hao le tumelo li a Mo ama; ke moo feela A tlang . . . Ke inehela feela, ebe O nka taolo, le ho qala ho mpolella. Le be moahloli haeba e le 'nete kapa che.

²⁰⁰ Joale ha O ka etsa sena khetlo la ho qetela, joale re a tsamaea, re itokisetsa hona, kōpano e mothating oa ho koaloa metsotsong e 'maloa e latelang, ba bakae ba tlang ho re, "Ke tla e amohela ka pelō ea ka eohle, le ho lumela bakeng sa seo ke se hlokang"? Molimo o le hlohonolofatse joale.

²⁰¹ Ntate oa Leholumō, ke nehela mokhopi ona matsohong a Hao. Ke beha moea o mong le o mong mona tlas'a taolo ea ka, bakeng sa tlotliso le khanya ea Jesu Kreste. Ke e kōpa ka Lebitso la Hae. Amen.

²⁰² Joale, leleiti mona, ke a lumela (le sa tsoa phahamisa letsoho) le re ke osele ho 'na ka botlalo. Ha ke mo tsebe. Ekaba khetlo la pele re kile ra atamelana hakana, haese haeba re fetane seterateng nqa e 'ngoe. Empa Molimo o re tseba bobeli. Joale haeba...

²⁰³ Joale shebang, metsoalle. Setšoantšo sa St. Johanne 4 ke sena kajeno, mosali le monna ba kōpana khetlo la bona pele; Jesu le mosali oa Mosamaria. Joale, 'na ha ke Jesu, le eéna ha se mosali oa Mosamaria, empa ke mongoaha o mong. Moea oo oa Hae o teng mona. Mosali o eme mona, e ka ba monyefoli, e ka ba Mokreste, e ka ba moikaketsi, e ka ba o hloka lichelete, e ka ba o emetse motho e mong. Ha ke tsebe. Nke ke ka le bolella feela. Empa Molimo o a tseba. Joale haeba A ka ema a mpolella, 'me eéna e be moahloli, haeba A ka mpolella, ka tšoanelo, ntho e amanang le eéna! Haeba ke... ntho e leng teng ka eéna, nke ke ka e tseba. Empa ha A ka mpolella lethoana ka eéna, ebe moahloli.

²⁰⁴ Ka hona, be, haeba e lōkile, u e tseba e tla tlameha ho tsoa matleng a mofuta. Na ho joalo? Ba bang... Be, ebe Matla ao u ka a hlopha e le eng? Ke theroy ea Evangelio, ho phahamisa Jesu Kreste, ho biletsha baetsalibe aletareng, ho folisa bakuli le ba mahlomoleng, Moea oa mofuta ofe, Moea oo o tla be o beha litholoana tsa mofuta ofe? Tsona litholoana tseo Jesu Kreste a li hlahisitseng, ka Moea oa Molimo holim'a Hae. Na ho joalo? E tla be e le Moea oa Bokreste. Ehlide, khetho e tla ba ea hao, hore ke efe.

²⁰⁵ Empa e tla be e le Molimo ho uena, ha ho joalo? [Mosali eo ore, "E, e tla ba eona"—Mohl.] E. Hoba, ke Mokreste.

²⁰⁶ Joale, ka mo tseba joang hoba ke Mokreste? Hoba ke utloa Moea oa hae, le a bona, joale feela, ntho e kang pelō e kenang e futha, e etsang joalo, phew, phew, phew. 'Me ke tseba Moea oa Molimo o leng holim'a ka, o ntlotstsitseng joale, ke a lemoha hoba eo ke khaitseli ea ka. 'Me ha ke eso 'mone, koana ke mo tseba joalo. Le a bona, ke ntho e batlang e kena ka mokhoa ona. E khemang 'moho. Sepiriti sa hae se nyallana le Moea o ntlotstsitseng.

²⁰⁷ Ba boneng setšoantšo sa Lengeloi la Morena ba bakae? Ba tšoere, oh, ba li tšoere hohle mona, li ka lefatšeng lohle. Hopolang, ke le bolella sena. Lengeloi la Morena leo le le bonang setšoantsong, Topallo ea Mollo e tsamaisitseng bana ba Iseraele, e entsoeng nama ea aha har'a rōna, ho tsoa ho Molimo ho khutlela ho Molimo, ho boea matsatsing a qetelo ho phetha mosebetsi oa Eona, ho phethela 'Muso, o li-inchi tseletseng hantle moo ke emeng. Joale hopola seo. Qholotso e kakang! Empa ke a Mo lumela. O a tseba. Ke a tseba ha A hlolehe le ka mohla.

Joale ha Morena a ka ntšenolela lethoana ka uena, khaitseli.

²⁰⁸ 'Me ho lōna ba moleng oa thapelo, le itōkise feela joale, ka ha ke sa batle ho tsetleha ntho eohle temohong ea moea, hoba e... Nke ke ka khona. Empa le itōkise feela, le lumele.

²⁰⁹ Joale, haeba ke khona ho u thusa, 'me ke sa etse joalo, ekaba ke khopo, ha ke a tšoanelo ho ema sefaleng sena; homme motho oa mofuta oo, ruri lekhale. Empa ke rerile ka thata. 'Me ke eme nakoana feela, ho qoqa le uena.

²¹⁰ Joaloka Morena oa rōna a entse ho mosali selibeng, O itse, "Mphe metsi." Le a bona? O ne a etsa'ng? Ho tšoasa moea oa hae, le ho bona seo—seo bothata. Hoba A sibolle bothata ba hae, A 'molella bothata ba hae. Le sa bo hopola ke bofe? A le banna ba bahlano; le oa botšeleta, e le eéna, hoba o bile le ba bahlano 'me eo a phelang le eéna o entse banna ba tšeletseng.

²¹¹ 'Me—'me O 'moleletse bothata ba hae, khele, o itse, "Monghali, ke a lemoha hobane U moporofeta."

²¹² Le a bona, e—e—e Bafarisi ba sa tsoa re, "E ne e le senoheramahlohonolo, liabolosi." O itse ba ka tšoarelo hona mohlang oo. Empa mohla Moea o Halalelang a ttileng, ho etsa hoo, e ke ke ea tšoareloa, ho bua khahlano le Oona.

²¹³ Ka hona, empa o itse, "Ke a lemoha U moporofeta. 'Me re a tseba (rōna Basamaria, re tseba Lentsoe), re a tseba Messia o a tla, Ea bitsoang Kreste, O tla re bolella lintho tsena tsohle." Le a bona, o tsebile pontšo eo ea Messia.

Mme A re, "Ke Nna buang le uena."

²¹⁴ Mme a siea nkho ea metsi, a mathela motseng, le ho re, "Tloong, le bone Monna Ea mpoleletseng lintho tseo ke li entseng. Na ha Messia?"

²¹⁵ Joale, haeba e ne e le pontsho ea Messia mohlang oo, etlaba pontsho ea Messia joale, haeba Messia e le oa maobane, kajeno, le kamehla. Haeba Moea ona o...

²¹⁶ U a eleloa, hore ntho e a etsahala, ha ke re? Joale letšoelie le ke le tsebe. Maikutlo a monate haholo, a boikkokobetso a fihlile, a u apere. Ha ho joalo na? [Mosali eo o re, "Ke hantle"—Mohl.] Phahamisa letsoho la hao. O leng monate haholo, oa boikkokobetso. Ke shebile Leseli lipakeng tsa ka le mosali. Joale le a apoha.

²¹⁷ Mosali o tšoeroe ke TB. [Mosali eo o re, "Hantle u nepile"—Mohl.] 'Me o sa tsoa ntšoa kokelong ea lefuba. ["Oh, oh, oh!"] Ke 'nete. ["Hantle"] Motho e mong o teng. Ke moshanyana enoa. Motsotso feela. Moea oo o holim'a hae. Be, ke setloholo sa hao. ["E, ke sona. Hantle."] Ke hantle. O tšoeroe ke lisaenase. Ebile mosifa oa letšoaflo la hae o ngoapehile. Ke 'nete. ["Ke hantle. Hantle ka nepo."] Ke hantle, ha se eona? ["Ke hantle. Ke eona. Lingaka li itse e mo tšoere."] Ehlide. Ho lōkile. Mof. Harris, ke lebitso la hao. ["Ke lebitso la ka leo!"] Uena le setloholo sa

hao le ka ikela hae, mathata a lōna a felile. Jesu Kreste o u etsa...?...

²¹⁸ U lumela Morena Jesu joale? Le a bona, eo ke Bibele, ke ona Moea oa Molimo o sebetsang maobane, kajeno, le kamehla. Joale na u lumela ka pelō eohle ea hao? Hoo ho tlameha ho e batalatsa.

²¹⁹ Joale ha ke sa bue letho, haese ho u beha matsoho Tlolo e sa le teng mona, na u tla lumela? Tloha ke hona, 'me u fole, ka Lebitso la Jesu Kreste.

²²⁰ Tloo, khaitseli. Na u batla ho hlola bothata boo ba mpa? Ikele, u ntse u leboha Molimo, le ho re, "Ho felile," lumela ka pelō eohle ea hao.

²²¹ Ha nka u beha matsoho, u a lumela Molimo o tla u folisa? Ka Lebitso la Jesu, fola. Ke bona boitšoaro ba ho kena boo. O ile a folile. Ke hantle. Ke bona boitšoaro. Joale, hopola, Moea o Halalelang o teng mona.

²²² Moshanyana e motle ke enoa a fihla. U monyenyan haholo, ratu, mohlomong, ho ba le tumelo. Empa sheba mona motsotsot feela, ho Moena Branham. Ke hantle. Bothata ba hao ba pelō bo felile joale. U ka ea lapeng 'me oa phela. Amen. Jesu o a u phelisa.

²²³ Ha re re, "Ho bokoe Morena," bakeng sa moshanyana eo.

²²⁴ U bile linefere haholo, ha u joalo? Li tla u lesa joale. U ka ikela lapeng hantle, ka ho re, "Ke a u leboha, Morena," 'me u phelisoe.

²²⁵ Tloo. Be, daebetese eo ea khale, hola re ka e felisa feela! U lumela seo ka pelō eohle ea hao? Ka Lebitso la Jesu, e tlohe ho mosali e se hhole e mo hlopha. Amen.

²²⁶ Tloo joale. Leleiti lena le ne le e na le hona hoo, daebetese, hape. Lumela ka pelō eohle ea hao joale ha u feta, 'me u phelisoe, ka Lebitso la Morena Jesu.

Na le a lumela, e mong le e mong joale? E bang ke tumelo ho Molimo!

²²⁷ Tloo, khaitseli ea ka. Ka Lebitso la Jesu Kreste, phela. E ba le tumelo, se belaee.

²²⁸ Tloo, moena ea moratuoa. Ke hlile ke lumela u folile u sa lutse fatše mane, ka hona u ka tsoelapele feela! ...?... Molimo a u hlohonolofatse joale. Ke hantle.

²²⁹ Tloo, khaitseli moratuoa. E ba le tumelo ho Molimo! Ke eona. Ke eona. Ka Lebitso la Jesu Kreste, phelisoa. Amen. Molimo a u hlohonolofatse, khaitseli. Ikle, ka nyakallo le ka ho lumela. Oh, ke bona boitšoaro ba ho kena boo.

²³⁰ Joale le apare tšabo ea ruri, e mong le e mong a lule setulong sa hae joale. Le apare tšabo ea ruri, Moea o Halalelang o teng mona. Kahobane feela O sa bue haholo le bona; ka linako tse ling ke ho bua lintho feela. Ke ntse ke leka ho bolela... 'Me ha nka e bona e hlahla ka potlako ruri, ke a e bolela le ho tsoelapele.

Le a bona? Ka linako tse ling nka tšoasoloha ho eona metsotso e 'maloa, le ho tsoelapele. Empa Moea o Halalelang o teng mona, O sa ntse o tseba lintho tshole.

²³¹ U lumela seo, leleiti? Tloo mona motsotso. Ke a kholoa, erekaha u le Mosepanishi, 'me 'na Moirishi, ha re tsebane. [Leleiti leo le re, "Che"—Mohl.] Ena ke kōpano ea rōna ea pele. U a lumela Jesu Kreste, Enoa eo ke buang ka eéna, ke Mora Molimo oa 'nete? U a lumela ke Mo emela ka tšoanelo? U a lumela O nthometse ho u thusa? ["E"] Ha nka u borella bothata ba hao, na u tla Mo lumela? Bothata ba hao bo mokokotlong. U jeoa ke mokokotlo. Hape, monna oa hao o jeoa ke mokokotlo. Moomo oa hae o na le bothata. U na le ngoanana ea jeoang ke molala. Bo hlahisitsoe ke kotsi ea koloi. Ke hantle. ["Oh, ke a U leboha, Morena!"] Ikeleng lapeng, bohole le tla itokela.

²³² E bang le tumelo. Le se belaele. Joale hoo ho a mphokolisa ho bilo ho etsa ho hong. E bang le tumelo feela joale, le e'lumele.

Ka Lebitso la Jesu, ke rapella mosali. Amen.

²³³ Tloo joale. Tloo, monghali. Se belaele joale. Esale u jeoa ke linerefe habohloko u khohlophehile, li u bakela alsal a mala ka mpeng, e u utloisang bohloko. Empa ikele lapeng joale, u tla phela le ho itōkela. Molimo a u hlohonolofatse. E ba le tumelo joale. Lumela ka pelō eohle ea hao.

²³⁴ Be, re ka bona seo e leng bothata ba lesea, le tlamiloe ka liboreisi mona. Na u tla lumela sebakeng sa lōna, khaitseli, joale, [Khaitseli o re, "E, ke etsa joalo."—Mohl.], hore Molimo o tla phelisa ngoanana e monyenyan eo, le ho hola e be mosajana ea lōkileng a sa ngomeloa liboreisi tsena?

²³⁵ Ntate oa Leholumō, hola nka folisa ngoana enoa ka tlosa mo mo kopolla liboreisi, nka etsa. Empa ke beha leseanyana lena le ratehang letsoho, le sitoa ho ba le tumelo bolona. Ke khalema maemo ana a boqhoala. Ka Lebitso la Jesu Kreste, lesea lena le tsamaee le phele. Ka ho tiea joalokaha ke eme mona. [Khaitseli eo o re, "O folile"—Mohl.] Ehlide. E. U a e lumela, ha ke re? ["Ke etsa hoo"] Ba e lumelang ba bakae? O tla ikela, 'me lesea le tla tlosa liboreisi, le tla tsamaea. Ke hantle, e ba le tumelo.

²³⁶ Mpa ea linerefe. Mme, oh, banna! U a lumela? U ka ikela, 'me oa ja oa ithabela, 'me tumelo ea hao e u phelisitse.

E ba le tumelo joale, e mong le e mong, e bang le tumelo ho Molimo! Tloo, khaitseli moratuoa. Na u lumela ka pelo eohle ea hao?

²³⁷ Oho Morena, ke U rapela ho mo folisa. O tlameha ho fumana matla a Hao a folisang, kapa ho shoa. 'Me ke U rapela ho mo folisa. Aba sena. Aba sena.

²³⁸ Ke hantle, khaitseli. E re ke u bontše lethoana. Batho ba bangata kantle letšoeleng lena, ba jeoa ke se u hlophang. Le a bona, e re ke u bontše ntho. Pelō ea hao e linerefe. E reng ke le

bontše kantle mane. Bohle ba jeoang ke linerefe (le phahamise matsoho) le pelō, ke phahamise matsoho. Ba shebeng, le a bona. Nka bitsa e mong le e mong oa bona joang? Le a bona? Nka sitoa. Empa ke utloa bonngoe bo boholo boo; sera se leka ho u tšoara, le ho kōpa mohau kantle mono. Se tilio e fuparolla hohle. Ke hantle. Ka hona, u a lumela hore se tla lahleheloa, hore se e fuparolotse ho uena hona joale feela? [Khaitseli o a hooeletsa, “E.”—Mohl.] U ikutloa ka mokhoa o fapaneng, ha ke re? U folisitsoe lekhatheng leo. Kena teleng ea hao, ka thabo, ho re, “Ke a U leboha.”

²³⁹ Tloo, leleitinyana, lumela ka pelō eohle ea hao ’me u phelisoe. Ka Lebitso la Jesu, khaitseli ea rōna a folisoe.

²⁴⁰ Molimo, hlohonolofatsa moshanyana enoa bosiung bona. Oh, banna! U a lumela Jesu o tla o phekola? Ke hantle. Ka Lebitso la Jesu! Molimo a le hlohonolofatse.

²⁴¹ Ke hantle. Tloo joale, le ho lumela, moena. Tloo, moena oa ka, ashara. Tloo, uena, inkele mahlohonolo a Morena. Ke u beha matsoho moena oa ka, ka Lebitso la Jesu. A ke a folisoe. Aba sena.

²⁴² E mong le e mong o a lumela na? E bang le tumelo. Le se belaele. Lumelang feela joale. Kahobane feela re sa eme mothong e mong le e mong, ha e bolele hore... Bolela feela... Ke a e bona, empa feela ha ke batle ha pono ho... Ke ntho e kang e a ngomelana ha u qoqa le batho. Na le tseba seo ke se bolelang? E a holehana, ’me hape le a... Ke eona, le a bona, u a... E u qeta matla.

²⁴³ Nakoana feela, ntho e hlahile har'a letšoelle. Haeba u ka lumela, u ke ke oa tlameha ho etsoa oporeishene eo ea senya. U amile moseho oa seaparo sa Hae, khaitseli. Ebe o amme eng? Mpolelle seo a se ammeng. Ha se khonahalo ho nkama moo ke emeng teng mono. Empa o entse hantle feela... Joale e re ke u bolelle taba. O ne a lutse hantle mono nakong eo, a ntse a rapela, “Molimo, e re a mpitse.” Haeba e le ’nete, haeba e le thapelo ea hao eo... Ke eo, le a bona. Ke eona ka tšoanelo. Le uena etsa joalo, le ho bona haeba ho se joalo. Etsa hona hoo feela. Ke hantle.

²⁴⁴ Ha re tsebane. Ha ke u tsebe, le uena ha u ntsebe. Molimo o re tseba bobeli. Tlolo e sa le teng mona, re tla bona na bothata ke bofe. Ntho ea pele, u tšoeroe ke mahlo, hlooho ea hao. U na le kotolana sephakeng se setona sa hao le leqaqailaneng la letsoho. [Mosali o re, “Ke hantle”—Mohl.] Ke hantle. U a lumela na? [“E”] U tsoa tulong e boitsoang Sunnyvale. [“Ke hantle”] Mof. White. [“E”] Ikelo lapeng, ka thabo, le ho phekoloa. Ke hantle.

²⁴⁵ E ba le tumelo ho Molimo, lumela feela joale, e mong le e mong. Tloo joale le ho... Na le ntse le lumela? Na e mong le e mong o a rapela? Oh, lula pel'a Molimo feela, ho rapela!

Tloo, moena. Ka Lebitso la Jesu, fola u phekoloae.

²⁴⁶ Tloo, khaitseli moratuo. Tloo, u lumela ka sohle se leng ka ho uena. Oho Morena, ka Lebitso la Jesu, folisa khaitseli ea ka. Amen.

²⁴⁷ Tloo, khaitseli moratuo, lumela feela seo Molimo o se etsang, Boteng ba Oona. Hona joale u feta tlas'a sefapano. Ka Lebitso la Jesu, a ke a folisoe.

²⁴⁸ Tloo, khaitseli, ho feta tlas'a sefapano, ho lumela ka pelō eohle ea hao. Bothata ba mokokotlo bo tla u lesa, 'me u ka ikela lapeng oa phekoloa. Ke hantle. Ka Lebitso la Jesu Kreste!

²⁴⁹ Tloo, khaitseli moratuo. Oho Morena, ke a rapela, a sa feta, hore U tle u mo folise. Amen.

²⁵⁰ Tloo, khaitseli. Lumela joale. Bareri, rapelang. E mong le e mong a rapele. Tloo. Ka Lebitso la Jesu, u folisoe. Amen.

²⁵¹ Tloo joale, lumela ka pelō eohle ea hao. Khaitseli oa batho, o mobe haholo. U a lumela Molimo o tseba se phoso ka uena? U a lumela O ka mpolella? Bothata ba botšehali bo tla fela. Ikele lapeng u phekoloe.

²⁵² Tloo, u lumela. Ke hantle, khaitseli moratuo, tloo. U lumela ka pelō eohle ea hao? U hopola u folile nakoana e fetileng ha re rapella ba tšoeroeng ke pelō kantle mane? U etsa joalo? Ikele, u phekoloe, le ho e lumela ka pelō eohle ea hao.

²⁵³ Ha re reng, "Ho bokoe Morena," e mong le e mong. E bang le tumelo ho Molimo.

²⁵⁴ Tloo, moena oa ka. Ka Lebitso la Morena Jesu, a ke a folisoe. Amen.

²⁵⁵ Na ha e babatsehe? Na ha A babatsehe? Ha ho makatse A bitsitsoe "Moeletsi, Khosana ea Khotso, Molimo o Matla, Rabosafeleng"!

²⁵⁶ Rapellang baratuo ba lōna. Ho rapela feela (e seng bakeng sa hao) bakeng sa baratuo ba hao nakoana. Rapella motho e mong.

²⁵⁷ Leleiti, u a lumela na? U lumela Molimo o ka mpolella lebaka la hao ho ema mona? Ke u bona u tšoere... Oh, na u e mong oa basebetsi? Ha ke u tsebe. Ke—ke kholoa ke eso u bone haese kantle mono har'a letšoele. Na ho joalo? Hore letšoele le tsebe. Ke hantle. U a lumela Kreste a ka ntšenolela bothata ba hao? [Leleiti leo le re, "Amen"—Mohl.] 'Me ha A ka etsa, ke hona... E, erekaha a qhoaetse seteketana seo, motho ka mona a ka re, "Be, ehlile, ke mosebetsi, o ne a mo tseba." Ha ke eso kōpane le uena bophelong ba ka, ha ke tsebe letho. Empa ha nka u bolella moo bothata ba hao bo leng teng, le ho hong, u a tseba e ka khona e be ntho e 'ngoe kantle ho 'na e etsang hoo. Na ho joalo? ["Ho joalo"] Mona ha u tlela uena. ["Che"] Mona u tletse mora oa hao. Ke hantle. 'Me o jeo a ke bothata ba mesifa. E batla e le ho bola ha mesifa. E mo kentse maemong, o pelekana mahlo, le ntho eohle,

linerefe tse ngata. Lebitso la hae ke Donald. [“E!”] Ikele lapeng, le ho lumela, a ke a fole. Nka sakatuku seo . . . ? . . .

²⁵⁸ E bang le tumelo ho Molimo. Le se belaele. Na u ka tla, khaitseli. Tloo, ka ho lumela. Joale ha re rapeleng, e mong le e mong a lule thapelang. Tloo, khaitseli. Molimo, ka Lebitso la Jesu Kreste, khaitseli ea ka a fole.

²⁵⁹ Tloo joale, khaitseli moratuoa. Ke hantle, feta. Oho Morena, a sa feta tlas'a sefapano sa Kreste, joale Mali a ame 'mele oa hae.

²⁶⁰ Tloo, khaitseli ea ka e ratehang, lumela bakeng sa mothona eo. 'Me, Morena, e re ba sa feta tlas'a sefapano, ke ba beha matsoho le ho kōpa pholiso ea bona, ka Lebitso la Jesu.

²⁶¹ Tloo, moena oa ka, feta tlas'a sefapano, ka ho lumela ka pelō eohle ea hao. U ka fumana seo u se kōpang. Ka Lebitso la Jesu Kreste, a ke a folisoe. Amen.

²⁶² Tloo, moena, ka ho tšoana, kena hantle tlas'a sefapano, ka ho lumela. Ka Lebitso la Jesu Kreste, aba sena. Ke hantle.

²⁶³ Tloo, khaitseli ea ka. E ba le tumelo ho Molimo. Se belaele. Lumela. Ka Lebitso la Jesu Kreste, ke kōpela qelō ea hae ho arabeloa. Amen.

²⁶⁴ Rapelang, baena. E mong le e mong a rapele hohle. Ke hantle. Ka Lebitso la Jesu Kreste, khaitseli ea ka a fole.

²⁶⁵ Tloo, khaitseli. Ka Lebitso la Jesu Kreste, a folisoe. Amen. Tloo, mang feela ea rapelang, monna ea itseng kantle mane, lula u rapela.

Ka Lebitso la Jesu Kreste, a folisoe. E ba le tumelo ho Molimo.

Tloo, khaitseli. Lumela joale, ka pelō ea hao eohle. Ka Lebitso la Jesu, u folisoe.

Tloo, moena oa ka. U a lumela? Monna e moholo, ea matla, empa koana, ka bothata ba mpa. Lumela ka pelō eohle ea hao, le ho ea lapeng, ho phela ka Lebitso la Morena Jesu. Ke hantle, monghali.

U a lumela, khaitselinyana? Ke hantle, tloo koano ho 'na. Ka Lebitso la Morena Jesu kōp ea hae e abjoe.

Lumela, moena oa ka, ka sohle se leng ka ho uena. Ka Lebitso la Jesu Kreste, qelo ea hao e abjoe. Se belaele; tsoelapele, u ka bona . . . ? . . . Tloo.

Molimo a u hlohonolofatse. Ke a u leboha, monghali . . . ? . . . Ho itōketse, na ke eona?

Na le lumela ka pelō eohle ea lona? Molimo a u hlohonolofatse, mohlankana. Ka Lebitso la Jesu u phelisoe.

Tloo, khaitseli. Na ke ho fellha ha litlankana tsa thapelo? Litlankana tsohle tsa thapelo li tsoile? U phela joang? U a lumela ke mohlanka oa Hae? U etsa joalo. U a lumela ke hona A ka

mpolella sohle ka bothata ba hao bohle? Ke hantle. Joale, ke kholoa u itse u sa tsoa tsoa kokelong. E 'ngoe ea lintho tse phoso ka uena, noka ea hao e holofetse, bothata ba noka ea hao. Empa boiphihlelo ba hao ba kokelo e ne e le oporeishene ea botšeħali; ha eso fole. Ke 'nete, ha se eona? 'Me lebitso la hao ke Mof. Potts. Ikele lapeng 'me u phele joale. . . ? . . .

²⁶⁶ Na u lumela ka pelō eohle ea hao? E ba le tumelo. Ke lula ke bona monna eane ea lutseng morao. O a rapela. . . O apere hempe e tšoeu, o phetlile k' holloro, o ntse a rapella motsoalle oa hae ea lutseng mabapi le eéna ka bothata ba kelello. U a lumela, mongħali? Ema ka maoto a hao u e amohele. Bea motsoalle oa hao matsoho mono. Ke moo. Molimo a u hloħonolofatse. Ikele lapeng 'me u phele, mora. Jesu Kreste o a u phelisa. Alleluia. O ne a rapella motsoalle oa hae. Ke sona se etsang hoo. Jesu Kreste, Mora Molimo o etsa lintho tsena, o a u phelisa. Na u lumela seo?

Mosali ke enoa o lutse mona a ikhahlile ka ntho e tšoeu hloħong, o lutse mabapa le ngoanana ea ntho e bolou moriring oa hae. Mosali o rapella monna oa hae. Ke hantle. O ne a tšoeroe ke mofetše, 'me u tšaba hore ekare o khutletse ho eéna. Ho joalo, ha ho joalo? Ke hantle. Na u a lumela? Ema ka maoto a hao ke hona, E amohele. Ka Lebitso la Jesu Kreste, e mo tlohele.

²⁶⁷ Rapella motho e mong. Rapella motsoalle. Rapella motho e mong. Mona, motšeo mono, ke bona monna a lutse motšeo ka morao ho mosali enoa, morao haholo, o lutse kahare, oa bobeli ea lutseng ka mono, o rapella mohatsae. O tsheroe ke linerefe. U a lumela, mongħali? Ke hantle, ema ka maoto ho amohela pholiso ea hao, le ho lumela ka pelō eohle ea hao. Ikele lapeng 'me u mo fumane a ntse a fola. Molimo a u hloħonolofatse, moena oa ka ea ratehang. Lumela ka sohle se leng ka ho uena.

Motho hape ea lumelang? E bang le tumelo ho Molimo. Mona, ngoanana e monyenyan oħra khale o phahamisitse letsoho la hae hantle mona. Leseli le leketlile holim'a hae. Oh, o a. . . Nthoana ke ena. . . Ba babeli ba bona. Ngoanana e monyenyan o ne a phahamisitse letsoho. Leleitinyana le lutseng mabapa le eéna, ekare Leseli le leketlile holim'a leleitinyana le apereng mose o bolou. U rapella motho: motsoala, o tšoeroe ke pelō, linerefe. Ke hantle, ha se eona? Ha a eo mona. O Los Angeles. Ke khaitseli ea hao, lebaka leo e leng kōpano e teteaneng. Le eéna o a rapela, empa ke bakeng sa motsoalle. O rapella tšokoloho ea motsoalle enoa. Motsoalle enoa ke Mokatolike, 'me o ntse a mo rapella. Ke hantle. Bobeli le likhaitseli. Ha e le 'nete, ema ka maoto a hao. Molimo a u hloħonolofatse. Ha ke u tsebe, ha ke eso u bone bophelong ba ka. Koana ho na le ntho e makatsang ka uena. U tsoa nqa e 'ngoe, kapa—kapa u tseba motho motho ea tsoang nqa e 'ngoe moo nkileng ka fiħla. Ke bona tulo e makatsang. Ha se—ha se le. . . Ke Jeremane. Na u Mojeremane? Ke hantle. U eéna. Ke hantle haholo. Ho lōkile, tumelo ea hao e u file qelo ea hao. Ikele lapeng. U tla e fiħlela kamoo u e lumetseng. Alleluia.

²⁶⁸ Ke u qholotsa, ka Lebitso la Jesu Kreste, ho E lumela e le 'nete. Ke tla...Joang...Ho na le moetsalibe ea batlang ho tla koano le ho ema pele re tsoelapele ka mola oa pholiso? Motsoalle oa moetsalibe, ea oeleng mohaung, na u ka rata ho tseba Morena Jesu e le Mopholosi oa hao? Tloo koano motsotso feela okono e ntse e re letsetsa memo e monate ea aletare. Tloo mona. Moea o Halalelang o tseba hoba u mang. Haeba u hloka Kreste bophelong ba hao hona joale, na u ka theoha nakong ena feela le ho ema mona aletareng? Lena ekaba khetlo la ho qetela nka le rapellang matsatsing ohle a ho phela ha rōna. Ona ke monyeta oa hao. Molimo a u hlohonolofatse, mothaka e mocha.

Na u ka tla? Motho e mong? Monna enoa ea tlang mona. Motho e mong osele? Potela hantle ka morao ho lesira mono, u aletareng hantle joale, re sa shebeletse nakoana feela. Re tla ema. Tloo mona hantle, monghali, ema mona hantle.

Motho o teng ea batlang ho tla ema pel'a hae? Tsoa. Nyoloha hantle joale u eme mona, re tle re u rapelle. Ke tla thabela hoo. Ke tla thabela haholo ho rapella le uena. Tloo feela. Ke phetho seo re u kōpang ho se etsa.

Molimo a u hlohonolofatse, monghali, ema mona hantle. E mong o teng na?

²⁶⁹ Seliba se teng se tletseng Mali a montsoeng metsong ea Emmanuel, baetsalibe ba qoelang teng ba lahla sekoli sohle sa molato. Na Molimo o ho bokahohle ba Oona? Molimo o Lentsoeng la Oona? Molimo ho Mora oa Oona? Joale, Molimo bathong ba Oona? Be, Molimo o teng mona ke hona. O batla ho kena ho uena. Na u ke ke oa tla?

Se teng seliba se tletseng mali,
Montsoeng...?...

Ba lahla likoli tsohle tsa molato.

Na u ka tla hona joale, uena ea hlokanng Kreste? Ha re tsotelle u setho sa kereke efe, kapa u kena efe, kapa u tla kena efe. Tloo. Ke hantle. Nyoloha o pote aletare joale. Uena ea se nang Moea o Halalelang, na u ka batla ho tla? Tloo hantle joale re sa bina. Tloo hantle.

'Me ba'libe ba inoang leqhubung leo,
Ba lahla sohle... .

Molimo a u hlohonolofatse, pelō ea me. Ke na le Sarah e monyenyan lapeng e ka ba thaka ea hao. Na u bona seo, momi?

Ba lahla likoli tsohle tsa molato.

Molimo a u hlohonolofatse, khaitseli. Na u khotsoe hobane Kreste o bathong ba Hae? Tsoela kapele joale, u ka khona na? Tsoa hantle. Tloo le ka mona.

'Me ba'libe ba inoang leqhubung leo,
 Ba lahla sekoli sohle sa molato.
 Lesholu le shoanng le thabetse ho boha
 Seliba seo letsatsing la sona; (Kreste ea
 nyehetsoeng uena, motsoalle. Na u ka tla oa
 Mo amohela?)

. . . leha koana 'na, ke (Molimo a u
 hlohonolofatse. Ke botle. Tsamaea
 hantle . . .)

Ho hlatsoa libe tsohle tsa ka.
 Ho hlatsoa libe tsohle tsa ka,
 Ho hlatsoa libe tsohle tsa ka;
 'Me 'na leha koana, ke le soro se sa eo,
 Ho hlatsoa libe tsohle tsa ka.

²⁷⁰ Ho ikholisa ho sa tl'o hlaha matsoho a mali ka letsatsi lela la kahlolo a tsokotsoang a ntse a re, "Hola oa lieha nakoana," ke a kōpa ke bile ke mema motho e mong le e mong ea se nang Kreste, ea se nang tsepo, ea se nang Moea o Halalelang, ka Lebitso la Jesu Kreste, ke u memela aletareng ena. Tloo u Mo amohele joale. Empa ha u sa etse joalo, nke ke ka jara boikarabelo ka letsatsi la kahlolo. E bone joale, Kreste a sa le lipakeng tsa rōna. Re elelooa seo.

Molimo o ho bokahohle ba Oona. Le O bona kantle mane. Molimo Lentsoeng la Oona. Le O bona mona. Molimo ho Mora oa Oona. Le O bona sefapanong. Molimo bathong ba Oona. Le E bona e nka khato mona, e sebetsa, E teng mona.

Joale, ha re tleng re sa bina hang hape, "Se teng Seliba se tletseng Mali." Na u ke ke oa tla?

Se teng seliba se tletseng Mali, (Seliba ke sena.
 Sefapano ke sena. Na u ke ke oa tla?)
 . . . metsong ea Emmanuele,
 'Me ba'libe ba inoang leqhubung leo,
 Ba lahla sekoli sohle sa melato. (Molimo a le
 hlohonolofatse.)
 . . . sekoli sohle sa molato oa bona,
 Ho lahla sekoli sohle sa molato;
 'Me ba'libe ba inoang leqhubung leo,
 Ba lahla likoli tsohle tsa molato.

²⁷¹ Lulang le e tla. Ke hantle. Le 'ne le tsamaee. Re tle 'ne re shebelle. Nako ea rōna e ngata ho emela batho ba bakang ho tla aletareng. Tloong joalo hantle. Re thabile, nyakaletse, ho lebohuoe Molimo haele moo le e tla. Nyolohang hantle joale ka pel'a Boteng ba Moea o Halalelang, Eo Ea leng motlalahohle, eamatlaohle, mohlokaphetso. Na le ka tla ho Oona joale mohau oa Oona o sa ntse o phalla o khaphatseha ho pholosa bohle, ho le neha sohle seo le se hlokang. O teng mona ho le neha Moea o Halalelang, ho pholosa bophelo ba lōna, ho folisa

maloetse afe, ho le etsetsa sohle seo le se lakatsang. Morena a le hlohonolofatse.

²⁷² Joale, e re letšoele le sa rapela, ka khutso, ke tla bua le ba leng mona. Metsoalle, Ntho e le boleletse ho tla aletareng ena. E ne e le eéna Eo ea tsebang pelō ea hao, eena Ea buang mona, Moea o Halalelang, Molimo. Molimo ke Moea o Halalelang bathong ba Oona, ho khutlisetsa lefatše ho Oona.

Joale, O tlide ho u boelanya le Oona. Le lehlohonolo lōna. Ho lehlohonolo eo mahlo a hae a buletsoeng ho bona 'Muso oa Molimo. Batho ba mashome a likete ba tlide pele ho lōna, makholo le makholo a baholoholo ba lōna, ba lakalitse ho bona matsatsi ana. Banna ba bangata ba baholo pele ho rōna, banna ba bangata pele ho lōna ba labalabetsa ho bona mohla Moea o Halalelang o tlang ho kena kerekeng ho etsa lintho tseo le li boneng li etsoa thapama ena. Ba shoele ka tumelo, ba lumetse hobane ka letsatsi le leng bana ba bona ba tla e bona.

Joale, lōna le e bone thapama ena. Le utloile Lentsoe. Le a tseba hoba Ke 'nête. 'Me Molimo o le butse mahlo; lithapelo tsa bona.

²⁷³ Mona ho eme banana ba banyenyane, ho eme 'mē, ea tšoereng banana ba babeli ba banyenyane. Linthoana tse nyolohang, ba ntse ba lla. Ke a ipotsa haeba ngoana, bana, ka linako tse ling ha ba ahlole motho ea holileng, ho tsoa pelōng ea bona e bonolo. Ha ba eso e hulanye masoabing a lefatše a mefuta eohle le lintho. E bonolo 'me e mosa. Ke shebile banana ba babeli bana ba hamaretseng leleti leo, eka ba shebeletse se seng ho etsahala. Ehlide, Molimo o bua le bana ba Oona ba banyenyane. Bibele e itsalo. "Lesang bana ba tle ho 'Na. Le se ke la ba thibela."

Ke bona 'ményana ea sikileng lesea la hae, leseanyana le mosa, o le sikile liphakeng tsa hae. O tlide mona joale ho boelanngoa le Kreste. Joale, le lehlohonolo. "Ha ho ea ka tlang ho 'Na . . ."

'Mohlankana ea tšoereng mosetsana e mocha, ke a kholoa, ho ema mono a mo tšoere. O ntse a lla. O inamisitse hlooho ea hae ka hlompho. Na le a tseba eo ke mesebetsi ea Moea o Halalelang? Ba bang, ngoanana ea mahloana a masootho a batla a le lilemo tse supileng kapa tse robeli o nchebile, mahloana a masootho le moriri o mosootho, sefahlehoana sa hae se elile kahohle. O emetse se seng. E ka ba ke Mosepanishi.

²⁷⁴ Ke bona mosetsana ea ratehang, mateanong a litsela tsa bophelo ba hae feela a inamisitse hlooho ka hlompho, o phuthile liphaka. Ke bona ba bang, ba meriri e meputsoa, ba inamisitse lihlooho tsa bona. Ena ke nakoana e mokhethoaa.

Hopolang, metsoalle, mona ha re a tla hore e tle e be re tlide. Re tlide hobane Molimo o le bitsitse. Le likhau tsa kōpano ena thapama ena. Bonneteng, le likhau tsa mohau oa Jesu Kreste,

tseo A li bilelitseng ho boelanngoa le ho tla Mo amohela thapama ena. Molimo o be le lōna.

“Ho lehlohonolo ba (Le a bona?) lapileng le ba nyoretsoeng ho lōka. Ba tla khorisoa.” Le tla e fumana ho Mahlohonolo. Jesu o itsalo.

Mona ho eme bahlankana, bahlankana feela, ba ka ba leshome le metso e robeli, lilemo tse mashome a mabeli, e ka ba bareri ba moso, nka tseba joang? Mono ho ka tsoa morongoa ea tlang ho bonesa lefatše. Har'a bahlankana bao ho ka tsoa lineo tse ka hapelang lisoule tse likete ho Kreste, ‘me le ne le le teng mohla ba neng ba e tla aletareng. Nakо e babatsehang hakakang.

²⁷⁵ Ha re inamiseng lihlooho tsa rōna joale, re sa hlahisa thapelo. “Ha ho ea ka tlang ho ‘Na,” Jesu o itsalo, “a sa huloe ke Ntate oa Ka pele. ‘Me bohole ba tlang ho ‘Na, Nke ke ka ba lahlela kantle. Tloong ho ‘Na lōna bohole ba imeloang le ba khathetseng. Ke tla le batlela phomolo.”

Morena, ke bana mona. Ba ttile kahobane O ba memme ho tla. Moea o Halalelang o haotse pelōng tsa bona oa ba bitsa, ‘me ba a tla. Ke bana ba eme aletareng, ka boitlhlonamelo, lihlooho li inamisitsoe, ba batla ho tlatsoa ka Moea oa Hao oa molemo oa Hao—oa Hao. Ba tlatse, Morena. Hloekisa maphele a bona. Ba romele masimong a kotulo, batho bana ba emeng mona ba letile. E ka ba lelapeng feela. E ka ba mose oane oa leoatle. E ka ba nqa e ’ngoe, empa kotulo e teng e lōketseng ho kotuloa.

Morena, ke U rapela ho halaletsa lisoule tsa bona, le ho ba tlatsa ka Moea, hofihlela e le mafiso a Hao a khethiloeng: e ka ba malelapanyana ho kotula baahisane, e ka ba ngoana e monyenyanе ea buang ka Jesu ho ngoanananyana sekolong, e ka ba mohlankana ea isang Evangeli Meksiko, naheng esele nqa e ’ngoe. Aba sena, Morena. Maqheku a buang le molekane koung ea seterata, e ka ba nqa e ’ngoe: monna oa fekteri ho mong’ā hae, kapa ho ba leng fektering... Ho tseba Uena, Morena. Ke U rapela ho ba tlatsa hona joale feela, ka molemo oa Hao le lereko.

Ba ttile; ke a tseba U ba amohetse, hobane U itse, “Ea tlang ho ‘Na, Nke ke ka mo lahlela kantle. Ea Mpakang pel’ a batho, Ke tla mo paka pel’ a Ntate oa Ka, le Mangeloi a halalelang.” Ka baka leo, ba eme mona pontšeng ho etsa maipolelo: ba ne ba fositse. Ba batla ho lōka. Ba amohele, Ntate. Ke U rapela ho ba hlohonolofatsa, le ho ba etsa bana ba Hao ho qala horeng ena ho ea pele, ka Lebitso la Jesu Kreste. Amen.

²⁷⁶ Molimo a le hlohonolofatse, e mong le e mong oa lōna. Amohelang Moea o Halalelang. Joale, kenang hantle phaposing moo re ka kōpanang morao mona, le ho beha e mong le e mong oa lōna matsoho, ho rapela. Hantle morao mona, e-eang morao hantle. Ho hlophisitsoe phaposi morao mona, moo le tla hlola metsotso e ’maloa morao mono bakeng sa—sa ho tlastoa ho tletseng. Ho khumama fatše; ho leboha Molimo ho le pholosa.

U behoe matsoho holimo mono bakeng sa tlhoko ea hao, le sebakeng sa Moea o Halalelang. Molimo a le hlohonolofatse. Ho hlohonolofatsa 'ményana enoa, bao bohole ba fetang ba sikileng maseanyana a bona, le ntate a ntse a pholla moriri oa leseanyana la hae, ho tseba hore le eéna ka letsatsi le leng a ka bolella bana ba hae, re ne re lutse kōpanong eo moo ba ileng ba tla ho Morena Jesu. (*Naha E Monate Mose Oane.*)

Naha e teng e fetang letsatsi,
Ka tumelo re e bonela hole.
Hoba Ntate o re emetse koana,
Ho re lokisetsa bolulo teng.
Koana monateng, monateng,
Oh, re tla kōpana bopong le letle leo.
Koana monateng le . . .



A RE BONENG MOLIMO SST59-1129
(Let Us See God)

Molaetsa wona, ka Moena William Marrion Branham, o rerilwe sethatong ka Senyesemane Sontaha thapama, Pudungwana 29, 1959, mane Santa Clara County Fairgrounds, San Jose, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org